

列
朝
詩
集

列朝詩集

丁集卷五

謝山人櫟

一百五十四首

仲山人春龍

四首

盧太學枬

三十首

李同知先芳

三十三首

宗副使臣

八首

李按察舉龍

附錄三首

徐布政中行

四首

吳參政國倫

三十三首

許長史邦才

二十四首

吳僉都維微

一十首

王侍郎宗沐

一首

高長史岱

四首

劉爾牧

一首

謝山人櫟

一首

謝山人櫟

櫟字茂秦臨清人眇一目喜通經俠度新聲年十六作樂府商調臨德間少年皆歎之已而折節讀書刻意為歌詩遂以聲律有聞于時寓居鄉下趙康王賓禮之嘉靖間挾詩卷游長安脫黎陽虎櫟于獄諸公皆多其誼事與交驩而是時濟南李于麟吳郡王元美結社燕市茂秦以布衣執牛

耳請人作五子詩咸首茂秦而于鱗次之已而于鱗名益盛茂秦與論交
頗相銜黃子鱗遺書絕交元美諸人咸右于鱗交口排茂秦削其名於七
子五子之列茂秦遊道日廣秦晉諸藩爭延致之河南北皆稱謝榛先生
諸人雖惡之不能窮其所往也趙康王薨茂秦歸東海康王之曾孫穆王
復禮茂秦爲刻其全集當七子結社之始尚論有唐諸家茫無適從茂秦
曰選李杜十四家之最者熟讀之以奪神氣歌詠之以求聲調玩味之以
取精華得此三要則造乎渾淪不必塑謫仙而畫少陵也諸人心師其言
厥後雖爭損茂秦其稱詩之指要實自茂秦發之茂秦今體工力深厚句
響而字穩七子五子之流皆不及也茂秦詩有兩種其聲律圓穩持擇矜
慎者弘正之遺響也其應酬率率排比支綴者嘉隆之前芽也余錄嘉靖
七子之詠仍以茂秦爲首使後之尚論者得以區別其薰蕕條分其涇渭
若徐文長之論徒以諸人倚恃緩冕凌壓章布爲之呼憤不平則又非余
讀茂秦之本意也○新安潘之恒亘史記曰趙王雅愛茂秦詩從王客鄭
若庸得竹枝詞十章命所幸琵琶妓買扣度而歌之萬曆癸酉冬茂秦從
關中還過鄴偕若庸見王王宴之便殿酒行樂作王曰止命絃瑟以琵琶

佐之聲繁屏後王復止衆妓獨奏琵琶方一闋茂秦頓聽未敢發言王曰此先生所製竹枝詞也譜其聲不識其人可乎命諸伎擁賈姬出拜光華射人藉地而竟竹枝十章茂秦謝曰此山人鄙俚之辭安足污王宮玉齒請更製竹枝詞以備房中之奏王曰幸甚茂秦老不勝酒醉臥山亭下王命姬以衽代薦承之以肱明日上新竹枝十四闋姬按而譜之不失毫髮元夕便殿奏技酒闌送客卽盛禮而歸賈于邸舍茂秦載以游燕趙間逾二年至大名客請賦詩百章至八十餘投筆而逝乙亥之冬月也姬率二子奉柩停大寺之旁晝夜操琵琶一曲歌茂秦竹枝詞必慟絕而罷已乃以千金裝付二子令歸葬自破樂器歸老于閬閬間後三十餘年客訪舊宿寺中寺僧猶能道其遺事

從遊沁陽途中值雪有感兼示元輝

鄴臺衡漳湄太行何間之東西共雨雪常春復淒其紛然俯盈目寧不興汝思北堂汝親老況汝兩嬌兒重輕俱在心應念寒與飢汝父尚行邁驢馬遠相隨野水亦有波獨樹亦有枝慎勿虛盛年人生須有爲廣雲自廣陰片雨惟片滋綠髮稍變白臨鏡悔已遲此言告汝兄使汝弟兄知誰能

箕裘業慰我桑榆時

雜感寄都門舊知此詩爲李于鵬陳末而作

瞻彼終南山松蘿幽且遠中有一真人超然遠朝市手握神龍珠照夜光
自秘石苔積古色斗室廓天地淵泉爲誰清蕙花爲誰媚西望徒遐思書
札何由寄嗟哉處流俗冥心可無醉鴟鴞爲家祥鳳鸞非世瑞奈何君子
交中道兩棄置不見鍼與石相合似同類文字生瑕疵鄧林紛葉墜有家
早歸歟獨歎以卒歲歲寒元氣塞假仰待春事

自拙歎

出門何所營蕭條掩柴荆中除不洒掃積雨莓苔生感時倚孤杖屋角鳩
正鳴千拙養氣根一巧喪心萌巢由亦偶爾焉知身後名不盡太古色天
末青山橫

雨中宿榆林店

涼雨何冥冥黑雲復浩浩山行夜不休破屋臨古道數口遠相投蕪穢不
及掃闌荒無主人馬散鵝秋草席地卽吾廬餘生聊自保隔林乞火回酌
酒慰懷抱反爲妻子嗤寧如在家好

哀哉行二首

庚戌歲八月十日
虜犯京師

燕京老人鬢若絲生長富貴無人欺少年慷慨結豪俠彎弓氣壓幽并兒
自嗟邇來筋力衰動須僮僕相扶持忽驚雜虜到門巷黃金如山難解危
餘息獨存劍鋒下子孫散盡生何爲廐馬北驅嘶故主勁風吹斷枯桑枝
哀哉行天何知

燕京兒女何盈盈隔花嬌語如春鶯鄰姬盛妝失光彩顏色信是傾人城
許嫁城中羽林將千金奩具猶言輕門前一朝胡馬鳴曉眠未足心魂驚
顛倒衣裳科髻髮驪之北去悲吞聲獨恨跣足走荆棘不與爺娘同死生
哀哉行難爲情

送許參軍歸都下兼寄嚴冢宰敏卿

君不見崑崙州雲連雉堞生邊愁寒天慘淡日易落偏令烏雀群啁啾
澌結水高於岸逝水暗咽翻西流防秋復防秋不虞歲暮烽火稠黠虜交
攻孤墜破馬牛去盡大羊留大蹲屋角吹山月鬼打鐘聲登戍樓三關父
老且揮涕當代應多衛霍儔都護時能練士卒還念嚴冬窮到骨胡騎又
從西北來停鞭幾爲蒼生哀

西園春暮

西北風來何太劇，落花滿園春可惜。
黃鸝叫春蝴蝶愁，四野無人日將夕。
惟有一枝留晚春，當砌徘徊不忍摘。
且將樽酒對殘花，春去愁歌復何益。

客居篇呈孔丈

客居寥落天積陰，其奈二毛愁復侵。
東籬有花白衣至，菊花恨不栽成林。
糟牀雨聲夜徹耳，酷覓春色時關心。
昨夢長江變綠酒，茫茫不知幾許深。
倒吞明月蕩蘂興，下有蛟龍那敢吟。
屈原李白莫相笑，肯與爾輩俱浮沉。
醒者醉者懷不同，我狂獨在醒醉中。
百年形骸匪金石，詎可一日無春風。
燕臺梁園舊遊處，好客邇來惟孔融。
太行山頭共俯仰，人間誰識真英雄。
幾醉良宵感秋別，大火自西人自東。

武皇巡幸歌四首

神武舉兵日，南征氣赫然。
射蛟江水上，立馬石城邊。
羽檄飛三楚，霓旌拂九天。
功成凱歌夜，皓月送樓船。
齊魯巡遊地，蒼生見紫微。
晴雲隨鷁舫，春水照龍衣。
柳畔千官擁，沙邊七校圍。
觀魚移白日，鼓吹月中歸。

玉輦衝寒色蕭蕭八駿鳴
鬼河水上過孤嶺雪中行
撫劍群胡遁彎弓百獸驚
當年赤帝子空到白登城
年少羽林郎嚴冬較獵忙
旌旗開御道劍戟擁長楊
飛去五花馬射來雙白狼
中官傳賜酒甲冑拜君王

薄伐

薄伐元中策論兵自古難
漢唐頻拓地將帥幾登壇
絕漠兼天盡交河蒞
口寒不知大宛馬曾復到長安

春夜卽事

春草非吾土春宵還自悲
庭虛風稍靜簾捲月何遲
久病見知藥長吟妻
解詩他年學耕稼肯負鹿門期

春宮詞

盈盈上陽女愁思起中宵
月白瑞窓靜花深玉簾遙
曉霞憎國色春柳妬
宮腰不見長門賦傷心有阿嬌

春園

水村人寂寂遲日敞柴關
菜甲春初細園丁雨後閒
沙邊來白鳥柳外出

青山此地多幽意行歌薄募還

送杜太僕謫荊州

謫宦三千里誰憐賈傅才漢江秋月上楚岫夜猿哀心事登樓賦年光落
帽登知君最愁絕湘雁逐春來

榆河曉發

朝暉開衆山遙見居庸關雲出三邊外風生萬馬間征塵何日靜古戍幾
人間忽憶棄繻者空慙旅鵲斑

夏夜獨坐披襟當風頗有秋意賦此寄懷

散髮南樓夜悄然披素襟當風頗有秋意賦此寄懷
客心遙思苔石上坐聽美人琴

楊以時復遊郡下

亂後相逢日論交半已非謀生雙鬢改感舊十年歸帆落煙中浦栗鳴竹
裏扉重來傍燕市霜露滿秋衣

送樊侍御之金陵

地入維揚路天分牛斗墟秋帆二水外春草六朝餘冰雪生官舍風塵走

諫書從來經國者寧不念樵漁

除夕示兒元炳兼憶元輝諸兒

對汝還成歎寒更坐轉深與鄉耆老計
春草隔年心蠟炬明殘夜天風破
積陰遙憐幾稊子酒罷一長吟

曉起

曉起正科頭時聞花外鳩出門疎雨歇倚杖斷雲流綠草偏依水青山半
入樓況逢春酒熟不負嗣宗遊

晚過西湖

悵望西山路曾經胡馬過重來把楊柳獨立向煙波日影峰頭盡春寒湖
上多漁樵一相見猶爲話兵戈

除夕徐子與宅得年字

客裏歲時還還來醉此筵吳歌憐子夜潘髻感丁年列炬明深院繁星動
遠天宮梅殊有意更向早春妍

寒食旅懷

荷北驚寒食淹留幾自嗟春風來燕子落日在桃花丘隴行邊淚江湖夢

裡家不知疎懶客何物是生涯

晚眺

寒日下西陵漳河晚渡冰孤城
歸獵騎雙樹隱禪燈野眺心何遠
巖樓老未能翻憐戎馬日愁思坐相仍

伏枕

伏枕無窮事虛堂秋夜深松低半窗月
山靜數家砧老鶴同幽意寒蟄伴
苦吟百年兒女計誰識尚平心

重過張氏園林

隨處携鳩杖狂時倒鵝冠晚山當座出
風竹滿樓寒獨酌世情遠長歌春
事殘不知桃李發白首幾迴看

居庸關

控海幽燕地彎弓豪俠兒秋山牧馬處
朔塞用兵時巔斷雲飛迴關長鳥
度遲當朝有魏尚復此駐旌旗

楊白花

年少宮中樹偏憐楊白花長風吹日

香雪落天涯蕩子空相憶芳年謾

自嗟月明愁不見啼殺禁城鴉

架邊

閒庭秋一色滿架豆花垂薄俗存
吾計衰年習土宜煙中晚雀定露下候
蟲知何限幽人意臨風獨立時

東園秋夜柬知己

悲歌殘燭下秋思轉紛紛落葉多
驚雨明河半隔雲螢光時復見蟲響夜
多聞誰是論心侶清樽可共君

歲暮盧次梗過鄴有感

燕霜終古憤梁獄昔年書世事跡
狂裏交情患難餘相看年欲老多感歲
將除醉擬應劉賦春風起散廬

南伐

南伐驅千騎遙聞幾戰場青年多俠氣白骨半他鄉塞雁悲秋老聞人哭
夜長招魂渺何處天外月茫茫

秋庭

東園閒白日庭戶絕經過落葉聽
無盡秋風來更多忽聞誅寇盜莫厭事

兵戈賣劍今誰是愁雲渺大河

算秋夜東宗上人

山城搖落夜感慨幾人同舊館殘
寥中亦有逃禪意明朝過遠公

次張祐金山寺之韻

孤絕寒逾迥蒼茫夜不分僧歸依
上聞好沽瓜步酒詩思在微醺

北望二首

戎馬何時定愁雲直北看朝廷殊
氣寒中天問明月曾照漢家壇

十月嘶胡馬南來飲潞河論功自
傲過中興見神武不許到支和

季冬夜西池君見過

昔枉信陵車侯生一敝廬自甘昭
雪餘相知在古道寧復曳長裾

孤燭秋原老百蟲才疎漂泊際心定寂
島月龍定縮江雲天漢窓前合風濤枕
見遠將相各知難風亂邊聲急霜連兵
有定報國豈無多霧擁宮門隔星飛羽
代隱擬著老農書山暝登樓外庭寒掃

送張肖甫

平子愁能賦子愁更幾何淚中心事盡客裏世情多青眼交仍好黃花節
又過離亭獨悵望車馬渡汾河

春閨

深院飛花急臨風祇自哀又看春色老坐使玉顏摧落月窺葉室流塵上
鏡臺窓前有梅樹歲暮待君開

除夕有懷

除夕歸期過孤幃嗟未休胡疑虜消息轉使客淹留積雪寒連塞明星曉
近樓遙知不寐處併得兩年愁

寄東平劉成卿

有才官遠罷知爾國憂深涕淚看春草艱難返故林餘生恩到骨獨臥夢
驚心龍劍多靈異還疑風雨吟

雁門

昔年雁門路霜氣逼征鞍野望天何慘徒行老更難人煙隔水靜鬼火照
沙寒戰伐空悲感風懷戍角殘

讀江寧王悼內詩

淒涼不易爲楚調復清新字字心間淚時時夢裏人
風悲西苑樹月慘後宮春令與陳王並無慙賦洛神

寄懷許伯誠

發軔遼陽雪還家韋杜春客疎門自掩官罷酒相親
白首歌今代青山夢古人行藏不可問獨鶴下西秦

夏夜集馮員外汝言舉子汝強宅賦得花字

淹留數高會伯仲復名家白髮幾年客紅蕖三度花
風從西苑至月傍帝城斜徙倚發孤詠隔林啼曙鴉

秋雨宿權店驛有感

驛燈分暝色野館滯秋陰已倦衰年事偏馳故國心
夜涼槐雨滴月暗草蟲吟歸夢不知路千山雲更深

憶都門酒家王四

尚憶高樓飲青帘出綠楊頻賒寧沮興浩唱不嗔狂
謝客惟深醉胡姬自盛妝幾回清夢裏聽雨滴糟牀

九日寄懷田夢鶴兵憲

別後幾重陽停雲渺帝鄉登高同節序垂老各行藏夕鳥安庭樹秋光照
野塘何時問幽寂歲杪正冰霜

漳河有感

行經百度水祇是一漳河不畏奔騰急其如轉折多出山通遠脉兼雨作
洪波偏入曹劉賦東流鄴下過

九日集徐郎中汝思宅得孟字

連林留昨夜九日復筵開白髮愁中賦黃花亂後孟霜兼宮樹變雁白寒
門來賴是同心者深知庾信哀

野興

白日霜凝地飛飛雁度河孤峰依漢迥老樹得秋多月曉山精伏時清野
父歌短筇隨我意一徑入煙蘿

大梁冬夜

坐牖南樓夜孤燈客思長人吹五更笛月照萬家霜歸計身多病生涯鬢
易蒼征鴻向何許春意徧湖湘

春野

去郭蒼茫色鴉飛欲暮天青天一筇外白髮萬花前春事渾相惱人情好
自憐踏歌時遣意平楚漫風煙

冬夜黃給事用章宅同張肖甫賦得中字

初逢青瑣彥下榻一宵同月落棋聲裏春回燭影中放歌還楚調扶醉有
巴童上苑遙相問梅花定幾叢

春日柬李之茂

若逢初度日閉戶正思親綠酒誰開甕斑衣自積塵斷雲愁裏色獨樹淚
邊春今夕應無寐啼鳥莫傍人

寄趙憲副萬舉

舊臥淮陽閣今屯鄴下兵經時求壯士憂國聽邊聲馬踏長楸道旗翻細
柳營黃鬚少年子仗劍遲功成

秋夜烏給事宅言別

故人同此夜離思且銜杯古樹當庭合流螢到席回燭花留我醉諫草識
君才異日關河隔秋鴻幾北來

邊警

太白秋高烽火驚羽書飛下晉陽城沙場風急來胡馬亭障雲深出漢旌
戰守何人能仗策朝廷今日始言兵懸知駕馭還多術早晚親臨細柳營

送王侍御按河南

塞上初歸復此行燕南極目送飛旌天連嵩嶽寒雲盡馬度黃河春草生
群筆常思未央殿封章時發大梁城知君最愛應劉賦更向西園一寄聲

早發坡泉薄暮至太行山下

地分三晉此山川形勝迢遙在馬前亂石斜通青草路太行橫斷夕陽天
漫垂雲氣孤村雨時暗鄉心幾樹蟬不及阮宣隨處醉興來卽解杖頭錢

春柳

黃鵬時復喚春遊陌上楊花漫不休幾向離筵搖落日莫教長笛動清秋
輕烟直接都門外細雨低臨灞水頭謾繫王孫金絡馬萋萋綠草有人愁

春宮詞

長信宮中芳草生晚風獨立正含情時顰柳葉聽龍駕誰隔桃花吸鳳笙
金屋半開春寂寞珠簾不動月分明燒殘蠟炬虛長夜遮莫同心結未成

寄酬淮陰夏子吳門鄭子

江魚海雁空相報，楚調吳歌久不聞。
無那旅懷常抱病，更堪風物正離群。
馬融笛裡三秋月，王粲樓前萬里雲。
猶憶當時共樽酒，一燈寒雨坐宵分。

病懷

鬢髮蕭蕭晝不冠，他鄉風物若爲看。
花庭晒藥日將午，茆屋烹茶春尚寒。
久別親朋誰問病，深憐兒女自加餐。
是非高枕浮雲過，遙憶西河舊釣竿。

秋日懷弟

生涯憐汝白樵蘇，時序驚心尚道途。
別後幾年兒女大，望中千里弟兄孤。
秋天落木愁多少，夜雨殘燈夢有無。
遙想故園揮涕淚，況聞寒雁下江湖。

冬夜尹明府宴集因憶何治象梁公濟

天寒地主見情親，雉堞參雲雁塞鄰。
十載別懷今夜酒，數莖短髮舊遊人。
雪庭照席偷明月，凍樹垂花像早春。
遙憶二君尋白社，方知歲暮有松筠。

久客志感

寄迹天涯久未歸，孤城霜日慘無輝。
苦吟易老計何拙，濁酒驅愁功亦微。
兵氣橫關催走檄，仙雲繞闕護垂衣。
自從河套停邊議，將相于今遠是非。

暮秋郊行偶述

太行迢遞起蒼煙，淒斷鳴鴻倚杖前。
南阻黃巾愁落日，東遊皂帽感當年。
山城秋老行邊樹，河甸寒生戰後天。
獨有王孫多意氣，千金駿馬獵平田。

送李給事元樹奉使雲中諸鎮

瑣闥朝下促飛旌，歲暮看君塞上行。
戍角動人多苦調，戎衣走馬半新兵。
關開涿鹿雲連樹，路出蚩狐雪滿城。
計日楚才封事上，君王深見九邊情。

送客遊洞庭湖

相逢楚客問巴州，此去揚帆湖上遊。
天漢長連洞庭水，雲霞半入岳陽樓。
低空白雁投寒渚，隔浦丹楓照暮秋。
莫向湘君聽鼓瑟，黃陵月冷不勝愁。

夜話李孺長書屋因憶廼翁左納言

忘年爾我重交情，論事相同見老成。
月到廣除寒有色，鴉歸疎柳夜無聲。
三農更苦江南稅，百戰方休海上兵。
歲暮銀臺應感歎，幾人封事爲蒼生。

漢中兵憲王斯進討賊有功寄贈

星子山頭殺氣生，可憐蜀盜廢春耕。
皇天何意干戈擾，人日多寒軍旅行。
檄出漢中鴉作陣，角吹嶺上馬嘶聲。
誰知緩急兵家術，八月鐃歌返旆旌。

寄懷西谷主人
應耕圃在新城北

上黨歸來獨憶君
野亭幽事每宵分
荷池燭影遊魚蕩
花院棋聲宿鳥聞
漳水遠通千里脉
洛城高壓萬山雲
于今南北殊脩阻
回首長吟又落塵
除夕吳子克諸人集旅寓有感

一年憂喜今宵過
兩鬢風霜明日新
書劍自憐多病客
江湖同是放歌人
宮中燭映西山雪
笛裏梅傳上國春
他日聽鶯懷舊侶
不知誰共醉芳晨
初春夜同梁公實宗子相賦得聲字

雪盡長風吹禁城
梅花零落此時情
關河月暗迷鴻影
宮殿春寒濕漏聲
亂後騷人同百感
年來壯士苦長征
樽前莫話邊庭事
彈劍悲歌氣未平
送楊侍御按真定

君從淮海動威聲
燕趙乘春復此行
世事憂深持白簡
天驕亂後惜蒼生
馬經滹水魚龍避
霜下恒山道路清
遙夜烏啼何限思
坐看孤月度嚴城
春日卽事

和戎共擬靜邊聲
抗疏誰當悉虜情
燕地去秋曾幾戰
漢家今日更多兵
春城雨後寒逾重
曙角風前怨未平
直北烟塵時極目
烏鸢飛入亞夫營

塞下二首

青山行不斷，獨馬去遲遲。
宿霧開軍壘，寒城見酒旗。
沙連天盡處，霜重日高時。
慘淡兵戈氣，蕭條榆柳枝。
乾坤疲戰伐，將相繫安危。
寄語籌邊者，功名當自知。

路出古雲州，風沙吹不休。
烏爲下空磧，駝馬渡寒流。
地曠邊聲動，天高朔氣浮。
霜連窮海夕，月照大荒秋。
擊鼓奮王醉，吹笳漢女愁。
龍城若復取，俠士幾封侯。

庚戌八月二十二日恭聞奉天殿視朝

上苑涼颿起，西山瑞鶴濃。
玉珂天漢路，金闕午時鐘。
劍佩鑪香近，旌旗日影重。
宮牆落楊柳，水檻出芙蓉。
萬舞趨丹鳳，千官識袞龍。
遙傳北伐詔，光耀紫泥封。

送汪郎中伯陽出守北地

五馬衝寒色，冰霜滿去程。
君王憂北地，父老望前旌。
典郡才方振，防年計不輕。
河山分陝服，形勢輔咸京。
樹隱青蛇廟，天空白豹城。
人家盡周俗，羌笛半秦聲。
夜月登樓嘯，春風露冕行。
試看循吏傳，終古定垂名。

送趙太守還任淮安

相思隔楚樹相聚復燕州五馬翻成別孤樽不可留江河自襟帶南北此咽喉昭代今多事蒼生日隱憂幾時堪臥治何處薄徵求海上寒濤息天邊春氣流花明射陽水月滿鎮淮樓地勝多名士何人託乘遊

初春夜集王元美宅餞別吳峻伯徐汝思袁履善三比部出使得盃字

共饒江南客芳筵候月來漏催詩草就春報燭花開把袂終千里論心更一盃風人今夜聚星使幾時回官舍遙聞笛官庭暗落梅相看倍惆悵殘雪照燕臺

寄孔方伯汝錫

每憶汾陽約何爲代北遊神交太行迫調合建安流高步雲隨杖窮邊雪照樓虜騎輕出入吾老重淹留厚祿惟思報嚴兵只禦秋材官幾人在國士百年憂上古元無戰中丞自有謀冰清閒鶴渾冷閉龍湫舊社獨來去春醪那唱酬相逢話時事感慨望神州

送高伯宗梁公實二比部祭陵廟

祀典千年重嚴趨二妙同馬嘶川日墮路轉石林通旌旆晴光外山陵王
氣中雲淡羅俎豆霜下肅臣工明月帝靈在高秋天宇空瞻依增百感松
檟正悲風

贈董職方德甫擢光祿卿

三秋心力盡經畧見才雄董策今誰在班銘志已同纔收衛律叛更賞霍
家功神武惟龍準憑陵自大戎兵張群議後官轉百憂中侯火驚燕旬宵
衣想漢宮將星寒動塞卿月夜臨空尚憶長征子持戈向北風

寄王侍御塞上

君王重簡命爾志在澄清節鉞分西顧風寒護北征羽旗風外合驄馬雪
中行直渡桑乾水還臨驃騎營九關多猛士百戰有長城夜半仍傳檄天
寒未解兵黑山橫寶劍青海動金鉦獨仗防邊策兼收抗疏名虛心當國
事高議見儒生壯歲思銘鼎空言愧請纓垂秋摧虜氣計日荅皇情應遣
龍庭使馳書到玉京

江南曲二首

夾岸多垂楊妾家臨野塘手拈青杏子不忍打鴛鴦

夾岸多楊柳妾家近塘口中有斷腸花郎君不迴首

懷鄒子序

渺渺太湖水湖中多鯉魚故人時把釣應有北來書

都下別張志虞

十年今一見話舊却成悲共醉新豐酒天涯又別離

行路難

荀卿將入楚范叔未歸秦花鳥非鄉國悠悠行路人

塞下曲

曠色滿西山將軍獵騎還隔河見烽火驕虜夜臨關

遊天壇山

偶逢雙玉童相引躡雲去犬吠洞門開三花最深處

初春夜酌樗菴處士書堂

客子燈前酒梅花雪後天不須橫玉笛春意滿山川

春柳

嫩色含輕雨柔絲弄早春昏鴉棲欲定腸斷未歸人

春興

夜月懸銀燭春江湛綠醅美人歌古調爛醉百花臺

塞下曲二首

飄蓬燕趙間行李風霜下蘆管送邊聲空林一駐馬
寒上黃鬚兒飲馬黑山澗彎弧向朔雲莫射南飛雁

路陽曉訪馮員外汝言二首

海日上孤帆山雲交雜樹美人方曉眠更在林深處
野闊早霜明林空涼吹動一犬吠人來松窗破秋夢

詠蟬

弱翅凌晨動繁聲向夕流不知風露裏還得幾何秋

雪後登代州城樓時虜犯崞嵐三首

睥睨胡天近登臨邊樹迷漢兵不到處寒鳥向誰啼
霽色分諸壘寒空下一鷗暮南白草盡胡馬亦何驕
都門飛羽書冰雪走胡騎祇見塞雲愁那知塞垣事

古意

青山無大小總隔行路遠近生寒雲飛柳不知安

春雪登樓

天垂樓外雲雪變城中樹何處不春寒鴉啼又飛去

東園秋懷二首

花竹可消愁愁來獨上樓自古天涯客誰禁老去秋
天寒閒落木葉葉是鄉愁敲窗作風雨不減去年秋

秋閨

日極江天遠秋霜下白蘋可憐南去雁不爲倚樓人

登輝縣城見衛水思歸

城外河流白練長城中萬戶共秋光秋來偏作還家夢河水東流到故鄉

塞上曲三首

旌旗蕩野塞雲開金鼓連天朔雁回落日半山追點虜
飛將龍沙逐虜還夜驅駝馬入燕關城頭殘月誰橫笛
吹落梅花雪滿山
暮雲黯澹壓邊樓雪滿黃河凍不流野燒連山胡馬絕
何人月下唱涼州

冬夜聞笛

雪後寒雲散御隄笛聲何處重淒淒北風吹折邊城柳人倚層樓月正西
送周秀才歸錢塘

燕京陌上送周郎歸到西湖春草長清夜閒樽多舊侶滿船歌管月如霜
留別張德隆

來時積雨沒平原去路鳴蟲秋正繁桂樹花開如有興紫騮嘶過孝王園
雨後東王體仁

雪夜還能權刻溪雨餘何事怯衝泥自憐窮巷多秋草不見青驄向北嘶
道院秋夕

秋河一帶月光圓露坐空除夜欲闌却訝西樓降仙子玉笙吹徹萬家寒
別調曲代贈所知三首

家住鄴城門向西青樓上與鄴城齊郎行好記門前柳春夢南來路不迷
離筵易醉夜將分趙舞燈前猶向君從此腰肢瘦無力牀頭閒殺藕絲裙
木落天寒郎欲行樽前離怨一鳴箏燕姬纖手調新曲不是西樓今夜聲

遠別曲

阿郎幾載客三秦好憶儂家漢水濱門外兩株烏桕樹叮嚀說向寄書人

搗衣曲

秦關昨寄一書歸百戰郎從劉武威見說平安收涕淚梧桐樹下搗征衣

繡球花

高枝帶雨壓雕欄一帶千花白玉團怪殺芳心春歷亂捧簾誰向月中看

采蓮曲

湖上西風吹綺羅靚妝越女照清波折將蓮葉伴遮面櫂過前灘笑語多

秋懷

秋來客思渺煙波湖上看山秋更多祗恐佳人怨秋色晚風吹斷采菱歌

春詞二首

城烏何意夜深啼紅杏梢頭片月低香冷熏籠人不寐春風吹過玉欄西

羅衣初試薄寒生荳蔻花開感別情零落鉛華君不見西樓春雨燕雙鳴

重九雨中懷弟

天空朔雁不成行秋色年年似故鄉門掩菊花人獨臥冷風疎雨過重陽

塞上曲

白登城上早霜淒黑水河邊暮雁低還憶去秋明月下胡笳吹過七陵西

卽席贈薛之翰

園花樽酒日相期共爾留連欲暮時
醉倚山亭歌楚調秋螢飛過石榴枝

愚公園春酌二首

共醉春風且放情白雲無定若浮名
好花開落尋常事遮莫黃鸝不住聲
絳桃一簇映斜暉白首尋芳幾醉歸
更有多情雙蛺蝶春來還傍菜花飛

春怨

紫綃揮斷淚闌干窓下秦箏獨自彈
三月梨花風又雨小樓燕子怯春寒

春宮詞

御河橋畔是儂家一入深宮虛歲華
別院黃昏吹鳳管月鈎斜照刺桐花

宮詞二首

自入長門空繡幃玉顏非復鏡中時
梨花夜雨燈相對燕子春寒君不知
曉起慵妝眉黛殘玉堦芳草捲簾看
花間漫撲雙蝴蝶宿露偏沾翠袖寒

明月山下逢武賓相克仁話舊

車馬西來自澤州思君不見十經秋
相逢把袂成悲感明月山前兩白頭

算鴉有感

來時池草吐春芽秋水驚心落藕花空記三秋故鄉夢夕陽衰柳看歸鴉
胡笳曲

砂磧茫茫黑水流胡兒六月換羊裘駱駝背上吹蘆管風散龍荒作冷秋
九日過王叔野無菊

陶潛懶慢閉柴關九日餐英自解顏不種黃花君更懶滿城秋色幾人閒
訪葛徵君

西城閒訪葛洪家籬落秋餘白荳花高枕自知無俗夢數椽茆屋在煙霞
寄武當山張隱君

辭官身寄楚天涯石屋燒丹別是家七十二峰春雪裏杖藜隨意看梅花
晚登沁州城有感

蒼茫野色幾沙灘漳水東流倚堞看煙火滿城天向夕一鵬飛過不知寒
塞下曲

青海城邊秋草稀黃沙磧裏夜雲飛將軍不寐聽刁斗月上轅門探馬歸
漠北詞三首

委羽山橫塞北天學飛雛雁夕陽邊匈奴歲歲無爭戰白馬黃駝傍草眠

石頭敲火炙黃羊胡女低歌勸酪漿醉殺群胡不知夜鵲兒月下月如霜
曉開鴉帳擁秋雲虜將揮鞭部落分牧馬陰山莫南向雁門今有李將軍
茂秦詩佳句可採而全什未稱者如春日洹上云春水明花外晴雲淡竹
邊野望云霜寒空野色風晚急河流夜雨云庭花秋幾許窗雨夜偏多送
人云旅夢關山月鄉心風雨天上黨感懷云揀花垂葦雨蕙草向春風憶
楊員外云寸心懷自切一面夢猶真春雪云萬花春雪裏雙燕凍泥邊寄
王侍御云寒花世味薄老崔道心孤上黨寄劉隱君云多病迎秋氣長歌
壯算年上黨雨中云亂後山川別愁邊風雨來雪中云池滿春水合枝垂
凍鳥攢葦雨云雀共踈簷雨人將老樹秋寄程參政云鷗鳥斜陽隨野釣
杏花微雨勸春耕虜退寄孔方伯次錫云雁將殺氣俱深入河捲胡風自
倒流送顧天臣還吳云天低鄴下長根樹霜落淮南老桂叢如此類者甚
多王元美謂排比聲律爲一時之最第興寄小薄變化差少亦公論也

仲山人春龍

春龍字嘉興人嘉靖中游長安客于公卿間尤善李伯承莫子良王
元美明詩評敘云予觀政大理與濮人李先芳游因李識秀水仲春龍仲

生雅尚亦在襄陽右丞才只微短已又因仲識華亭莫如忠蓋元美識仲生在茂秦之前詩評叙其少作也名成之後遂不復齒及仲生此叙亦不入集中

思婦吟

身在天涯夢在秦時未卜見時頻潯陽江上秋風過傳得琵琶與別人

直中作

條風輦道起香塵內詔傳宣促五臣別殿香飄黃輦揭纏龍帖子賜宜春

宮詞二首

海子周遭長荻芽春深乘艦不乘車阿誰貪看遊魚戲拋却新簪茉莉花曉來別院遞笙歌百子池頭長綠荷睡起無聊庭下立笑拈筆子打蜂窠

盧太學桺

桺字少楸一字子木濬縣人本富人子入貲爲太學生博聞強記落筆數千言不休爲人所誦好使酒罵坐嘗爲具召邑令令有它事日晏乃至桺醉臥不能具賓主令心銜之桺嘗醉榜其役夫旬日役夫夜壓于墻隕令禽治桺當桺抵坐豐馔里中兒爲獄吏素恨桺笞之數百謀以土囊厭殺

之他吏覺之得不死獄中感奮益讀其所携書著幽鞠放招賦以自廣東郡謝榛携枏賦游長安見諸貴人祭而泣曰生有一盧枏視其死而不救乃從千古惘惘哀沅而弔湘乎吳人陸光祖爲濬令平反其獄得免死走謁榛于鄴榛方客趙康王所康王立召見爲上客諸王邸以康王故爭客枏枏酒酣耳熱罵坐如故邸中人爭掩耳避之不自得而罷光祖遷南祠郎枏訪之千金陵遍走吳會無所遇還益落氣嗜酒病三日卒枏騷賦最爲王元美所稱詩律不如茂秦之細而才氣橫放實可以驅駕七子幸其早死不與時賢爭名故諸人皆久而惜之

酬謝逸人四溟三首并序

山東謝榛茂秦嘉靖中以能詩爲趙王客居鄴邸嘗遊跡燕趙梁宋間與余相知辛丑歲余坐誣繫濬獄則杳然莫知出處近有人自宋中來傳四溟詩集讀之乃茂秦所爲者中二絕句矜余極冤擬之禰衡李白之倫夫禰李詩賦縣日月彼雖死斯文猶存於世若子發跡旣隱又罹重法有說如山誰肯爲余傳哉因作詩三首用荅其意若茂秦之得見與否無容心焉

曹思弄文翰歌詠鄴中詩招游七才子俱好相如詞君隨鳬雁應教鳳
凰池聊拂清霞賞尉茲瓊樹枝胡爲泛滄海令我長相思

謝客恣霞想揮手絕人群朝思北燕里暮宿大梁雲海月照舞席澄江瀉
清瀆遠游憩靈境竒節冠秋雯黃鵠思煙侶長鳴向夕曛

李白謫仙才欄衡賦鸚鵡緘愁投夜郎掩淚赴黃祖殺身揚綺芬高名播
千古天摧白龍鱗雲斷黃鶴羽感此遠謝君沉吟望梁父

重寄李子理

麒麟出魯郊商鉏爲不祥向非孔仲尼何異犬與羊所以路傍人按劍嘿
夜光近時青雲士豈無魯連子氣節苟不申甘蹈東海死世人聞此言棄
之如敝屣投君勿復道北風吹易水

獄夜書愁敬呈吳少槐吏部

天帝一震怒貳負縛墮間石室梏兩足仰無日月攀我稽潯陽囚迢迢如
玉關妻女阻會面何時復生還衛水東北流日夜恣澎湃如何來枕上化
作萬行淚申包哭秦庭七夜救楚地掩而今三年猶爲蒿里質天命安可
知長吟慰顛顛

送崔秀才南還

孟冬送客臨沙浦，蕭蕭風動薊門樹。驂騑銜轡不肯行，一鶚南飛過天柱。
燕臺擊筑且高歌，青罇酒盡紅顏酡。五更鼓角星野平，看汝騎駟凌天河。

贈別南田楊子還晉石并序

十五余年游京師，馳翰苑獵文囿。延師士之肆游，軻冀野窮覽燕墟曰：
壯哉帝王之居也，迺攬轡西市遇晉石。楊子景新與之論皇帝王霸之
要，雄姿風發，鼓劒悲歌，慷慨泣數行。下於戲士之負傑烈不羈之性，曠
世相感，一至於此哉。今年秋，楊子還晉石，因作詩識引。

我本衛川豪，君作燕城客。意氣各千里，相逢在燕陌。燕城燕陌跨京華，青
烟作帳銀爲沙。五侯龍馬耀金鞭，蒼螭寶帶屈盤挈。層城日出歌鐘起，繡
戶朱箔幌羅綺。遙憶夔龍集鳳池，亦知衛霍矜戚里。笑倚青萍劒，恥上黃
金臺。昭王非帝胄，樂毅自凡材。燕丹空有心，荆卿徒悲哀。白虹沒長雲，易
水不能迴。瑤華翠葆浮雲沒，錦石雕甍秋後凋。古人已見覆蒼苔，今人空
對西山月。西山月出宮殿寒，坐愁白髮驚飛湍。風雲萬里不相待，白義垂
耳蛟龍蟠。雞鳴開九關，天狼若可攀。誓欲請長纓，繫胡燕然山。長纓繫胡

心不朽君去青山但揮手落日天風吹海波月明來勸一杯酒酒中慷慨
樂事無據地酣歌玉唾壺晉石山川爲君迂千巖萬壑來長途往日春光
懷我處奇花不盡相思樹葡萄露下餘空醅終日待君那能顧滄洲今已
算瑤草不知路欲乘黃鶴一問之爲子淨掃南田霧

送人之塞上

北風瑟瑟胡馬鳴君今棄我何遠行陰山雪花大如掌黃雲出沒單于營
萬里龍沙那可見將軍大小七十戰捷書奏入建章宮寄我雲中一隻箭

七夕

銀闕含秋星欲爛天孫脉脉度河漢仙鬟玉珮那可聞佳人夜半開簾看
階前月色疑有霜獨坐穿針向兩廊東方日出烏鵲曉天上人間枉斷腸
襄國飲鴛水野亭奉懷張蠟山明府

我盡野亭鴛水陰平沙落日青楓林寒花爛熳不自愛霜風一隋柴門深
我來對此沉吟久況是蠟山別離後何處浮雲晚未還散愁且醉襄城酒
登西城嘉禾樓重送張蠟山赴部

高樓西望縈空烟南風渺渺吹河船碧沙細草遠相送一夜飛過黎陽川

驚魂如縷隨君還恨無雙翼凌青天魏闕霜陰雷隱怒瀟水橫波不可渡
此時揮手重堪悲千里相逢未有期燕臺倘值悲歌飲擊筑先尋高漸離

史平臺夜宴詞

漢史玄以宣帝大母家封爲侯於外家親居多得賞賜簪貂弭世寵溢內
外明浮丘山人作史平臺夜宴詞

高堂賦燭嬌紅春麝爐掣鎖銀麒麟掌中舞袖回金縷背後落花覆銅茵
夜半歌鐘起洞房繡羅香煖對鴛鴦旋徵玉雁排箏譜復弄梅花近笛牀
繡額紅衫真媚嫵隔簾彷彿調鸚鵡喚回滿座鬱金香鮮鮑銀絲出翠釜
雞人夜唱銅龍瀉內監忽傳進拳馬絳綃雙引貂襜褕長秋門前馬不下
北風吹山海水移世人見此復淚垂寶玦香車俱莫嘆金掌仙人已辭漢

信陵亭行贈張幕史

昔聞貴公子乃是信陵君劍氣連秋水英風邁長雲堂中愛養三千士玉
袍珠履何繽紛信陵一去幾千載堂中今無一人在空餘城裏信陵亭日
見黃河走東海信陵亭右送飛鴻豪士者誰張長公虬髯瀟灑眼如電論
吐何帝垂天虹身騎宛馬銑花驄霜蹄決裂耳生風四顧已無南海尉二

心要滅黑山戎朝發夷梁津暮宿黎陽清軒蓋狹廣路翩翩皆能舉春風
澹蕩吹羅帷宛如淥水蓮花池異代風流今有此若問信陵那可知

贈故大同府節判魏張公祝入祠七十韻

魏博富才數儲英斷幽顯金璞無留精虎豹澄視眄文章兩漢際墨跡蒼
頡篆多賢信足徵特秀殊異誕張公真天人弱冠負婉變鳳毛何翩翩孤
嘯絕嵒嶠矯然雲空翻似共扶搖搏遠器詎可識棲栖但蒼畎腹存五經
竒身與六藝參叔孫禮猶尊毛公詩放行桃李垂映春蕪穢屢摧萌庭草
有餘姿園葵復開展李膺縣龍門侯巴激繩勉有母老且貧負米不憚細
北堂或寢憂視食臉必泣夜坐寧解衣晨興忘舛悞仲由晚升堂曾參力
親勸豈不懷曠逸所愧斯道外操觚赴風簷論議浮雲捲天地豈毫末萬
物皆蠅黽揮霍斷鵠鷗絡繹如甕爾九河一奔決筆力與深淺賈誼魁大
庭鄉生逼眾選春雨溼荷衣秋風醉華宴領教卽同州文師辭玉輦凄其
燕坐穗寂寞公堂輝盤中長苜蓿衣上生苔蘚整飭文字宗手足成宿舛
乙科連佳士芳聲捷銀匱曹籍行聖意親眷繾綣可決宸衷銜命理
東兗淮南多賓客河間討異興枕中鴻寶書禮經得細闢其王似太宗英

睿天潢演虬鬚多瀟灑虎步遺芳躋設醴延穆生駢羅出禁籞謹介控豪
挾揮金潔篋與王賜金字牌旌忠古所鮮爲擢雲州判饋運百里轉甬道
達交河軍聲赫桓彌落日單于營秋風胡馬現漠漠黃沙積蕭蕭大旗舉
頗似蕭相賢關中息餘喘武宗踐祚初逆瑾姿驕塞泰阿失金柄寶鼎竊
玉鉉闇奴事私謁日請太倉廩公氣時益振那避禍橫冒按劍雄四視意
欲躡豐獻奸回沮顏色諒直非顧遺董卓卒燃臍李斯歎黃犬乾坤掃氛
翳社稷清沈湎解綬賦埽田衡門適遊軀王公枉駕過俛視若蜺蜺驛驪
宜垂耳鸞鶴易摧殄汨沒漳水涯沉絕廟堂璉鳳雛翔長雲玉樹落蕭茫
佳婿李光祿乘龍篤嬌婉後代乃賢豪森森盡碧瑱道盛人難忘有司累
交薦縣室列神靈雕楹虛壇墀窈窕映丹青煒煌雜黜陟春秋格駿奔陟
降立有覲玉貌雖匪殊德音誰能戢門墻歎分席飽聞弟子善夙期儻相
親何必同笑噴哀贈起北風遠懷淚若洗長吟殫露篇少謝蒿里餞久稽
尋陽因號泣思徒號伏枕纏捆拳挺身畏戈戟江海苟不竭筆削太史編

贈友人歸別墅

綠楊漫垂舞擺動春風情吏役甘作苦瓜期思田繁尋溪觀游鱗出谷聽

流鶯別有漆園客長歌懷友生

書懷投李篁臺外博

昔余江海思凌風恣天游回覽鳳凰臺薄行鴟鵂洲
玩弄潁水月吟嘯箕山秋緬想古人風飄然不可求
挾劍適燕雲裂繡游皇州昭王去不還金臺長秋草
樂毅徒空談劇辛亦枯槁痛哭九陌中迴飈起蒼昊
六噫辭漢京三山事幽討結廬太伾麓蒔花黎水陽
飢餐赤城霞渴飲華池漿舉杯酬阮籍彈琴招嵇康
放浪期九垓枋榆安足翔天造誠寥廓一夕生惝愴
光芒動圓象浩蕩亂天常南箕乃長舌牽牛遂服箱
寘身在昭憲風夜守園土剝膚咸虺蛇刺心皆劍擗
陰臥魂毵毵激視鬼偃僂日月將焉施胡不照聾瞽
父母荒殯階兒女死秋堵嘔血徒傷心斬衣事終古
悠悠九原思歷亂攢肺腑篁臺百世士瀟灑落風塵
談經施絳帳講道開河濱有時瀉璣珠萬斛光璘璘
銕鑄能幾時席上羅佳珍賁道理凡材褰衣訊幽谷
烟雲忽一開婉如熙春屋鱗面行歎息力疾對芳牘
覽聽殊未已猶獲玉雙轂強成啟口笑無復論羞惡
感此忘形骸片言通鈞軸願爾垂神光乘時慰蹙縮
龍荒如有待萬里騎馳驅

適金陵登魏武讀書臺奉別李覺齋丈

魏武建雄圖虎視何壯哉
祇今霸氣盡空餘讀書臺
登臺覽四野蕭瑟悲風來
饑飢獵平楚寒狐鳴城隈
林木鬱蒼然煙霏日空摧
咄嗟此山川千載埋雲雷
我亦慷慨人與君遠追陪
酒酣拂寶劍肝膽歷然開
遙望南溟聞鯨鯢滄波頽
相顧起叱咤坐使風雲迴
楊僕擁樓船聲名冠崔嵬
富貴吾自取他人徒驚猜
投鞭自茲去千里騎河魁

寓譙郡宿魏武臺下贈羅汝龍

漢帝滅金鏡靈氛黯中原
山川忽破碎海水日飛翻
蚩尤拓大旗時拂紫微垣
奸雄竊神器霸王氣并吞
平臺起峭崿西北眺陵園
千載乃丘墟秋風散雞豚
爾來值歲暮感此摧心魂
託宿茅屋下偃仰徒自論
中逢豫章客夜半延青樽
酒酣起視笑飄然此鬚掀
開口復縱橫歷歷陳萬言
宛若黃河流湍湍決崑崙
崑崙然啗在一時逸氣驚
鴻鵠遠望江路塞蠻烽照
天門誓欲指雄劍直斬南
溟鷗而我豈不能與君同
騰騫風雲苟未合且復侶
猱猿陰符掩玉匣寶劍藏
塞壩拂衣一長嘯高風振
丘樊水流還大壑日晏仍
朝暾待予乘景運一灑清
海渾

冬日獵射畢同文瑞泉從子擢挈酒藉草坐飲醉後作此

寒風吹林薄白日愴以黃呼鷹登高臺走馬碨石岡狡兔起草間裂腦厲
秋霜割鮮青山隅藉草傳羽觴落葉入我杯細細波悠揚平楚正蕭瑟感
此情彌長雲中姿天驕胡塵暗邊疆殺將屠我城主辱臣未僵徒令晒千
秋何以慰遐荒令當捐微軀雪耻左賢王

送友人南還

鳳凰樓外雲氣長青袍白馬生輝光送君千里促羽觴鳴箏清歌如故鄉
相思明日忽分手誰把青驄繫綠楊

寄謝逸人四溟二首

漢京詞賦多風雅前擁鄒生後枚馬四溟旅人興最豪馮軒落筆長河瀉
醉中一別十經秋落葉翩翩歎白頭思君恨無黃鵠羽涕泗遙瞻滄海樓
海水飛動凌三山巨鼇出沒流其間人生風波有如此颯颯秋風凋玉顏
魯連自是紫煙客個儻長揖二千石一朝談笑解聊城東入滄溟眇無跡
甲辰歲張郡伯鄧西如覲京師其母太夫人出中饋給囚因感激
述懷作五十韻以謝

臥曆開皇紀龍池憶紫烟青陽調玉燭白日轉幽天河朔風雲會滄涯氣
概先諸公梁苑客明府漢庭銓沈宋金章籍陰何玉轡聯衣冠連日表精
爽動星躔各應非熊兆同操哲匠權文翁兼化蜀郭隗始登燕五馬襄城
野雙旌霸水涎夾輪雙鹿優上漢一槎縣忠獎推王室金泥受帝宣吳公
十第一買誼席應前都善何無爾河源卽有焉疏名勒玉藻端苑撤金蓮
虎變谷風起鶯鳴喬木還那微文伯母誰產范滂賢黃易空玄理關雎德
化全肅雍元微胤聖善祖承乾壹臬慈文表襟裾風紀緣大家新著作劉
向舊名編雨露含濡遠江河流澤偏吹噓延朽腐哀痛及顛連粉暑琅玕
碧天牢桂玉畔八珍眞饌繁五醢更駢開薏麥赤城外杯羹玄圃邊春盤
行荏苒曲几坐連翩眉睫光初潤膏肓病卽痊尚方虛擬腸陰室競相憐
小步嬰金鐵揚眉嫵拘羣朵頤群儔側徐指竭夫筵坎塲心仍切低回腹
稍便循墻如喪狗俛頸似饑鸛慷慨期投壘呻吟尚縮肩拾瘞西向拜遙
祝北堂年少假恩猶乳翻思淚下泉二靈忘伏臘兩稚飽鷹鷄丘壠哀新
鬼國書鎖廢廬千戈營膳苦衰駘臍眠故國孤魂杳他鄉白髮奉妻食
嫌再醮女大恹施鉛放大因無食挑針作覓錢塵埋蒼兒劍蟲篆白龍眠

既金從珠網，蟾魄或為鵲。鬼神悲簡牘，妖孽戲花鈿。壯志浮雲去，灰心苦
藥煎。敢辭先齒地，爲恨失騰鸞。雷雨龍門別，風雲虎脊捐。微纒多窮束，榜
楚替連速。百轉傷心曲，三年似禍梭。傾危希造化，早晚謝陶甄。

春曉將還舊業，諸公送遠。歎方水雲以病不至，作此留別。

青春載酒尋君處，君病春殘我亦回。背葉流鶯愁對語，折花飛燕怯飛迴。
烟雲莽莽林高歎，畢竟白日荒荒魏武臺。醉裏劍歌時自放，白頭還望轉堪哀。

別李希賢

燕城冬日白，漏水陰雲霏。與爾經別地，相看淚溼衣。旅懷隨雁盡，鄉夢遶
潮歸。芳華他時滿，令人寧久違。

青樓詞

百尺高樓挂綠絳，錦箏銀甲亂哀絃。夕陽西下簾深卷，望見西江萬里船。
雲中曲四首

燕岱河山黑水分，胡沙北望接氤氳。乘乾斜映龍山月，碣石遙通渤海雲。
高關塞頭殺氣橫，居延川內少人行。黃沙欲沒李陵墓，明月長懸蘇武旗。
半夜飛書報建章，交河新駐左賢王。卽分驍騎屯榆塞，便發元戎出定襄。

黃鬚羽帽破烏桓丈八蛇矛血未乾胡馬盡歸元帥幕蕃刀贈與故人看
李同知先芳

先芳字伯承徽州人嘉靖丁未進士除新喻知縣遷刑部郎中改尚寶司
丞陞少卿降亳州同知稍遷寧國府同知復以臺抨罷伯承年十六美如
冠玉會選良家子尚主名在籍中尋罷歸伯承自負才名多所傲睨兩御
史出按部故事當從尚寶授印兩御史自尊顧視從吏伯承詫之曰尚璽
郎當受印繡衣安所得黑衣耶兩御史大慙大計時頗被螫及爲外吏益
奴視僚屬不具賓主竟用是敗家故多訾壯年罷官精計然白圭之塹家
益起大構園亭廣蓄聲妓搬竿摸瑟二八迭侍諳曉音律尤妙琵琶賞音
者謂江東查八十無以過也優游林下享文酒聲伎之奉四十餘年年八
十四而卒始伯承未第時詩名籍甚齊魯間先于李于鱗通籍後結詩社
于長安元美隸事大理招延入社元美實扳附焉又爲介元美于于鱗嘉
靖七子之社伯承其若數蚡冒也厥後李王之名已成羽翼漸廣而伯承
左官落薄五子七子之目皆不及伯承伯承晚年每爲憤盈酒後耳熱少
年用片語挑之往往勢目嚼齒不歡而罷邢子愿以臺使按吳訪弇州而

歸伯承與極論其始末語已目直上視氣勃勃頤頰間拍案覆杯酒沾
溼子愿逡巡不敢應後爲伯承誌墓亦畧及之余聞之盧德水如是今之
論者奉歷下爲晉楚揶揄伯承使之捧盤盃而從小邾之後余錄伯承詩
次于千鱗之上使伯承之魂爲之默舉且以間執耳食者之口也

車遙遙

膏車何草草遙遙萬里道遠道莫致思倚輪望見之隻輪不可行去客難
爲情駕車策馬輪已遠腸中車輪載君返

玉階怨

蟋蟀鳴玉階梧桐落金井絀扇本生涼錯恨秋風冷

臘日

臘日煙光薄郊園朔氣空歲登通蜡祭酒熟釀村翁積雪連長陌枯柴起
大風村村聞響鼓又了一年中

一齋

一齋容膝處高枕謝招尋稚笋初平檻新鶉未出林閒情芳草地春恨落
花心更愛前溪好千章綠樹陰

江上晚行

寒帷方出郭江上欲黃昏却望東原道青山蔽縣門蟬鳴月裏樹犬吠水邊村何處分漁火蘆花隱釣輪

皖江

皖江陰乍晴鱗鱗秋浪生岸迴村樹隱潮落海雲平魚米舟中市人烟水上城不須遙問渡前路是浮萍

雨中投仙姑寺

雨中投古剎江岸少人行立馬候松逕呼僧問寺名斷碑經火盡荒草入秋平惟有楓林樹泠泠清梵聲

新池

松峰高接天合沓四山連馬怯新池水人投野燒烟颼颼風出谷蔭蔭石成川詰曲袁江路心蘇百折前

春思

渝州正二月日夜雨蕭蕭石瀨添新漲江風送落潮春催花影薄林雜鳥聲嬌楚客多歸思長天坐寂寥

灘頭

春江兩岸闊細雨片帆斜古戍收殘市寒潮帶淺沙風偏舟倚瀨春盡鳥啼花桑柘依依綠漁磯三五家

暮春

和風攪亭竹稚筍欲交加蕩思添芳草春愁劇落花簷棲黃口雀林乳白頭鴉坐惜青陽暮空悲兩鬢華

暮春懷婦

風雨春遲暮江湖日阻修羈心身外遣歸計夢中求花落啼鶯盡泥香乳燕留年年問津者空買釣魚舟

立秋後一日助甫見訪得霜字

屏居對芳草同病喜相將關暑人如醉新秋髮有霜蟲鳴風雨夕螢點薜蘿牆後夜看牛女還期就一觴

伯宗席對月再別吉夫得聲字

幾醉長安月因君萬里行片雲隨袂斷疎影入簾清小徑花生色微霜雁有聲他時三五久一見一含情

義門曉行

曙色起林鴉青天明曉霞蒹葭晞白露墟里帶清沙老驥長途怯新鴻一
字斜不知時序晚野菊有黃花

何明府邀宴荆山

名山堪載酒驛使暫停車斜日長淮水春風一縣花平崖墮立馬深樹點
歸鴉更坐蒹葭上殘尊照落霞

春日山庄

得歸仍喜故園春日花前倒葛巾自惜年光催短髮平分春色與東隣
轉枝黃鳥爭歌妓拖雨緋桃似醉人華髮青山莫相笑初衣會見出風塵
雲津送袁生之京

曲水平橋江岸斜雲津門外送仙槎離亭握手愁將夕遠道逢春鬢易華
二月行人折楊柳一年心事問桃花蘭橈泊處東風遍細雨樓臺燕子家
暮春初過山庄

山人本性愛山居弭節春遊過艸廬短砌雨餘芳艸合小亭風定落花初
拂塵下榻驚梁燕開篋抽書走壁魚更闢岩扉頻灑掃能無長者命巾車

新秋釣魚臺讌集兼贈倪若谷秘書得中字

古寺涼蟬嘒晚風釣魚臺近濯龍宮波搖樹色浮天上山寫秋容入鏡中
通社舊遊花落盡潦梁樂事曷啼空臨流不醉新豐酒笑殺滄浪把釣翁

圓覺寺晚坐

片片歸林鳥微微出寺鐘僧門掩秋色明月在高松

閨情

月牢開天鏡高樓試晚妝秋風吹桂樹雙燕語雕梁

江雨

西山帶雨痕南浦生秋草烟中樹若薺波上舟如鳥

春日登樓作

長堤芳草初青古廟垂楊幾樹登樓不見山村知在杏花深處

郊行卽事

城南黃葉逐人飛城上寒鴉噪晚饑老樹荒村停落照遙遙山寺一僧歸

由商丘入永城途中作

三月輕風麥浪生黃河岸上晚波平村原處處垂楊柳一路青青到永城

小亭卽事

綠楊垂穗葉新鴉
門裏茅亭一徑斜
不是山人携酒至
小園閒殺碧桃花

春望

芳草萋迷一徑斜
澹烟疎雨噪新鴉
城南春色濃於酒
醉殺千林桃杏花

數溝夜雨

風雨蕭蕭入暮天
孤村黃葉鎖寒煙
官衙兒女應相說
今夜羈栖何處邊

石城樂

石城城下接隋堤
綠樹紅樓桃葉溪
到日江頭勞借問
莫愁家在画橋西

新秋西郊雜興

因看木槿落花稀
更惜年光似鳥飛
斗酒黃雞堪共樂
青山無恙故人非

遣興呈宋山人

落魄金門老歲星
歸來調笑眼雙青
高樓坐擁如花妾
月下彈箏倚醉聽

宮詞

玳瑁琵琶綴玉環
爲囊盛聚繡雙鸞
自從學得朝元曲
不對君王不敢彈

李審理同芳

同芳字幼承伯承之弟也官爲王府客理才情不減其兄

飲酒

山扉悄無事家釀復新香遲爾二三子陶然醺一觴論心愛丘壑多背閱
年光雪積水難解冬殘日乍長歲時易過目身世厓隨陽多謝高陽伴同
來入醉鄉

春詞二首

常年二月已清明今年清明三月中寄語尋春携酒客桃花雖歇有東風
十千沽酒冶遊郎日指桃林是醉鄉花下停車鶯語亂蹊邊拾翠燕泥香

擬艷歌行

越女秦箏手自調阿歡按節奏金鏡當筵忽漫水結斷笑倩懷中取鳳膠
李按察攀龍

攀龍字子鱗歷城人嘉靖甲辰進士授刑部廣東司主事歷郎中出知順
德府擢陝西提學副使西土墩地動心悸念母移疾歸用何景明例予告
凡十年起浙江副使遷參政拜河南按察使母喪歸踰小祥病心痛卒于
鱗舉進士候選里居發憤讀書刺探鉤擿務取人所置不解者撫拾之以

爲資而其矯悍勁勢之材足以濟之高自夸許詩自天寶以下文自西京以下誓不污吾毫素也宦郎署五六年倡五子七子之社吳郡王元美以名家勝流羽翼而鼓吹之其聲益大噪及其自秦中挂冠搆白雪樓千鮑山華不注之間杜門高枕聞望茂著自時厥後操海內文章之柄垂二十一年其徒之推服者以謂上追虞姁下薄漢唐有識者心非之叛者四起而循聲贊誦者迄今百年尚未衰止要其誤著可得而評騭也其儼古樂府也謂當如胡寬之營新豐雞犬皆識其家寬所營者新豐也其阡陌衢路未改故寬得而貌之也令改而營商之毫周之鎬我知寬之必束手也易云擬議以成其變化不云擬議以成其臭腐也易五字而爲翁離易數句而爲東門行戰城南盜思悲翁之句而云烏子五烏母六陌上寒竊孔雀東南飛之詩而云西隣焦仲卿蘭芝對道隅影響剽賊文義違反擬議乎變化乎吳陋儒有補石鼓文者逐鼓支綴篇什完好余甚之曰此李于鱗樂府也其人矜喜抵死不悟此可爲切喻也論五言古詩曰唐無五言古詩而有其古詩彼以昭明所誤爲古詩而唐無古詩也則胡不曰魏有其古詩而無漢古詩晉有其古詩而無漢魏之古詩乎十九首繼國風而有

作鍾嶸以爲驚心動魄一字千金今也句撫字据行數墨尋與會索然神明不屬被斷齒以衣繡刻凡銅爲追蠡目曰後十九欲上掩平原之十四不亦愚乎僻學爲師封已自是限隔人代揣摩聲調論古則判唐選爲鴻溝言今則別中盛如河漢繆種流傳俗學沈錮昧者視舟楫之密移愚人求津矧于已逝此可爲歎息者也七言今體承學師傳三百年來推爲冠冕舉其字則三十餘字盡之矣舉其句則數十句盡之矣百年萬里已憎疊出周禮漢官何煩洛誦刻畫雄詞規摹秀句公李頎之餘波指少陵爲頽放昔人所以咲撫帖爲從門指偷句爲鈍賊也專城出守動曰東方千騎方舟共載輒云二子乘舟遼海中丞襲驃騎之號廬江別駕蒙小吏之呼投杼曾毋訝許自天傳粉何郎冠以帝謂經義寡稽援捃失當瑕疵曉然無庸抉擿何來天地我輩中原矢口囂騰殊乏風人之致易詞夸詡初無贈處之言於是狂易成風叫呶日甚微吾長夜于鱗既跋扈于前才勝相如伯玉亦纖揚于後斯又風雅之下流聲偶之極弊也今人尊奉于鱗服習擬議變化之論自謂汴古選公初盛區別淄澠窮極要眇自通人視之正嚴羽卿所謂下劣詩魔入其肺腑者也斯文未喪來不者難誣常葵丘

震驚之日仲蔚已有違言迨稷下銷歇之時元美亦持異議而王元暉序
弁山續藝詆訶歷下謂不及三十年水落石出索然不見其所有斯固弁
州之緒言抑亦藝苑之公論也不然余亦豈有私憾于千麟與世之祖述
于麟者而黨枯仇朽號嘵然不置若此哉

余既錄于麟詩偶得王承甫與屠青浦書云讀足下與王元美書所彈射
于千麟處爽焉快之然論文耳猶未及詩僕謂其七言歌行莽不合調五
言古選樂府元美謂之臨摩帖後十九首何異東家捧心益醜陌上桑改
自有爲它人非點金成鍊耶絕句間入鈔境五言律亦平平七言律最稱
高華傑起拔其選卽數篇可當千古收其凡則格調辭意不勝重複矣海
陵生嘗借其語爲漫興戲之曰萬里江湖迴浮雲處處新論詩悲落日把
酒歎風塵秋色眼前滿中原望裏頻乾坤吾輩在白雲誤斯人云云大堪
絕倒僕嘗以爲雅宜之行草新安之古文歷下之七言近体在彼非不精
工習而宗之者愈似愈乖不可有二何則徇所美而乏通才苟于格而寡
新法守而弗化極而弗變其神者不全耳承甫之論歷下與余所評駁若
合符節元美雖爲千麟護法亦不能堅守金湯矣前輩又拈歷下送楚使

詩江漢日高天子氣樓臺秋敵大王風云此賀陳友諒登極詩也與承甫引淮海生之語相類附及以資一笑

答寄俞仲蔚

太乙祝漢德名駒生渥洼赤汗露青雲長嘶挹流沙飢飈玉山禾渴則飲其涯翹尾以躡躡駒踪相經過不願游園闔況乃服鹽車世豈無伯樂垂耳奈我何天子發素書使者出蹉跎蹉跎十二閑驚馬常苦多雖有千里姿羈絆非所加

集開元寺

流陰拂層岑返照翳深谷古寺入蕭條迴岩抱幽獨梵影淨香臺鐘聲殷石屋絕壁棲禪前懸厓下樵牧秋花雨還瘦老樹霜逾禿寒泉可鑒心白雲況極目登臨客自佳搖落時何速蔬色蕩腥羶苔光清簡牘新詩發神秀舊游耿初服啼來杖屨便老去煙霞伏高城日睥睨燈火通林麓言旋轉多興後期此同宿

同皇甫繕部寒夜城南咏月

片月挂遙岑層城曳素陰寒分官樹淨影落御溝深結冷悲羌笛勾霜上

擣砧西園芳宴後白
雪復誰吟

賦得屏風

虛屏漢宮裏有女白頭吟色倚琉璃怯秋來湘水深歡情張畫燭愁坐掩清砧莫爲蒼蠅誤君王在上林

送皇甫別駕往開州

銜杯昨日夏雲過愁向燕山送玉珂吳下詩名諸弟少天涯宦跡左遷多人家夜雨黎陽樹客渡秋風瓠子河自有呂虔刀可贈開州別駕豈嗟蛇署中有憶江南梅花者因以爲賦

欲問梅花上苑遲坐中南客重相思開簾署有青山色對酒人如白雪枝驛使書來春不見仙郎夢斷月應知偏驚直北多烽火昨夜關山笛裏吹懷子相

前門秋杪送仙槎此日開樽感歲華臥病山中生桂樹懷人江上落梅花春來鴻雁書千里夜入樓臺雪萬家南粵東吳還獨往應憐薄宦滯天涯張駕鄆宅梅花

仙郎雪後建章迴清夜西堂擁上才笛裏春愁燕塞滿梁間月色漢宮來

即看芳樹催顏髮
賦寒花對酒杯
共憶故人江北望
因君罷賦倚徘徊

上宋大司空

河隄使者大司空
兼領中丞節制同
轉餉千年軍國壯
朝宗萬里帝圖雄
春流無恙桃花水
秋色依然瓠子宮
太史但裁溝洫志
丈人何減漢臣風

按察李公誕子公蜀人先以中書舍人爲御史

高才染翰五雲中
役道登車攬轡同
雛有一毛殊是鳳
駒無千里不爲驄
名烏業已承家學
字大文須命國工
君自蜀人楊馬後
同鄉夾葉播清風

夜渡娘

儂來岸始集儂去月將夕
不是地上霜無人見儂跡

寄登宗秀才茂登池亭

窗中采蓮舟落日菱歌起
坐見浣紗人紅顏照秋水

戲呈郭子坤二首

家有秦臺女青雲路不遙
但愁明月夜天上喚吹簫
丹竈幾時開妝成倚鏡臺
不須嘆竊藥本是月中來

徐汝思見過林亭

五柳陰陰逼酒清一杯須見故人情明朝馬上聽黃鳥不似尊前喚友聲
早夏示殷卿二首

長夏園林黃鳥來百花春酒復新開人生把酒聽黃鳥黃鳥一聲酒一杯
湖上青山繞屋斜蕭條重枉使君車到來縱遣柴門閉只在東隣賣酒家

挽楊生

平生裘馬最翩翩不惜黃金結少年今日蕭條君不見白楊秋色有誰憐
挽王中丞

司馬臺前列柏高風雲猶自夾旌旄鐫鏤不是君王賜莫作胥江萬里濤
送潘澗父已下山遺集

搖落荒山道君行日獨深解裝迎暮雨秣馬發秋林僮僕知鄉泪風塵見
客心十年悲未遇歸臥嵒湖陰

寄許殷卿

漠漠雨如沙翩翩燕子斜官貧輕逆旅鄉遠重携家昨夜懷人去春風撫
歲華獨行臨御水閒使到梅花

十五夜謝山人同李明府見過得宵字

客有山中約人來江上遙張燈傳綵筆換酒出金貂貧病看交好文章慰寂寥天涯還此會留醉駐春宵

重別李戶曹

舊游京陌滿何處
理貂行念子從王事
令人識宦情
春風吹遠別芳草送孤征
莫歎謀身拙
前賢重請纓

秋夜

豈敢歆芳樹
多時信轉蓬
鄉心生夜雨
客病臥秋風
大藥三山外
浮名四海中
日知成汗漫
還與衆人同

郊遊

何爲驅車馬
終歲慘塵顏
偶出城西寺
因看湖上山
水流芳草外
人醉落花間
復值岩耕客
春風荷篠還

附錄擬古樂府三首

耕田

擁離趾中可築宮易本詞闕何字
用珥之艾爾蓬易本詞闕何字
擁離趾中易本詞闕何字
競歌翁離易本詞闕何字
一帝古通無解漢魏以來未有復者擬之已可嗤矣何用茲

之蕙用蘭似亦騷人之義今易之曰蘭用葺之艾爾達以叶中字之韵
其可通乎又魏祖時樂府但取叶律不復賦題今聲既不傳却又依樣
葫蘆全不賦題如于鱗所擬上畱田之類將安屬也外此弘多未能具
述

東門行

出東門不顧歸來入門愴欲悲舍錫本詞無儋石二字易本儲還視身上

衣參差本詞上慷慨易本詞山門去兒女牽裙易本詞他家自謁

字願富貴賤妾與君但易本詞舖糜但易本詞舖糜上用穹窿易本詞會下

用匍匐易本詞小兒時吏清廉法不可干本詞難吟一旦緩急當告誰行

吾望君歸易本詞嗟少年莫為非本詞教言君復

改易本詞數十字句便云擬東門行今以所改易字句與本詞覆看亦

畧有意義否倉浪黃口以倉對黃竊巧于拙此古人言語之妙改而云

穹窿匍匐何其笨也本詞云今時清廉難犯教言君復自愛莫為非豈

不語簡而盡乎今贅累一旦緩急云云枝蔓之詞更累十百行亦未盡

也于鱗改易古樂府率皆類此若吳明卿之流又是歷下餘波吾無貴

爾矣

陌上桑

日出東南隅照我西北樓益古詩西北有高峰以配東南隅有以爲極巧
累有無所以爲佳今以西北配東南如甲乙帳薄此所謂死何也曰秦氏
樓系羅敷之姓然後書羅敷之名此敘事之法也今突而曰樓上有好女
繡自貢古文詞何不無次第矣乎羅敷貴家子足不踰門樞性頗喜譔作采
桑南陌頭其詞云羅敷貴家子下言小家是問今加二言向上枝結籠係下
枝挂籠釣本詞青絲爲籠係佳枝爲籠釣言東籠之飾也徐伯陽行之日
係下枝挂籠釣則謂籠之係與釣懸挂下乘之上下義益明矣今云上枝結籠
枝也本言羅敷之容飾而先斥承來之事則俱甚矣墮髻何繚繞顏色以
敷愉細綺爲下裙紫綺爲上襦形容美如定如圖畫不耳珠又次下帶上襦
數見羅敷則形容反耳未盡此不善裝之曰顏色過也行者見羅敷下擔故網繆少
年見羅敷祖出年韞形容詞脫情著朝頭少年輕便自得之態可謂妙極
致如此來歸相怨怒且復坐斯須但坐說羅敷但爲之坐猶云只爲也今
謬使君自南來駐我五馬車遣吏前致問爲是誰家妹羅敷小家女秦氏
有高樓西隣焦仲卿蘭芝對道隅家妹以下本詞云秦氏有好女自名爲
有東家有負女自名爲羅敷拾撮合以爲奇巧而不知其有太不可通
者陌上桑之事流聞門閭五陵下建安之世則家論而戶曉矣仲卿之母

欲娶東家之女而美之以金羅敷猶今人言西施太真也詩可以投羅
敷而擬陌上桑之篇不可以擬羅敷年幾何十五為人婦嫁復一年餘
芝也令于歸聞此亦常輒然一笑羅敷年幾何十五為人婦嫁復一年餘
嫁復一年餘誰為媒妁刻此歲月陰文面目可為捧腹力乘以作苦孰與
使君俱使君復為誰蠶梁所自娛小吏無所畏何敢助嬌語此處無所
謂使君一何迂羅敷他人婦使君他人夫而曲折盡然此又益以十字
不可下使君自有人夫此三家村老婦叫難為狗之詞豈應由羅敷之口
東方千餘騎夫婿居上頭左右三河長負弩為先驅何用識夫婿飛蓋隨
高車象牙為車軫桂樹為輪輿白馬為上襄兩驂皆驪駒青絲為馬勒黃
金為帶頭腰中千金劍自名為鹿盧北字繁蕪附贊不堪繩削三起家府
小吏今五府小吏拜為朝大夫稍遷郡太守出入專城居月朔朝京師觀
者盈路衢為人既白晢兼兼有髭鬚四十尚不足三十頗有餘座中數千
人皆言夫婿殊羅敷為千乘王仁妻仁後為趙王家令或云羅敷為使君
十傳中郎居今所去侍中郎但云精選郡太守以拒之本家令或云羅敷為使君
此侍中郎之車騎也用使君之五馬故曰盈主易置矣東方府中
公府者三公之府非如今人云府縣之府也于歸泥專城二字但以府中
守為府者三公之府非如今人云府縣之府也于歸泥專城二字但以府中
仕東方十五裏內侍十八賈登朝則詠陌上桑不當但言守明矣

于鱗擬古樂府及十九首錄別等詩擬古彌切去古彌遠自謂胡剽之
管新豐而不知爲壽陵餘子之學行于邯鄲也姑列其樂府三首補其
疵累毋致輪攻以資隅反非敢非薄先民良欲捕迷後學耳

宗副使臣

臣字子相興化人嘉靖庚戌進士除刑部主事改吏部考功歷稽勲員外
郎出爲福建參議遷提學副使卒于官年三十六子相在郎署與李于鱗
王元美諸人結社于都下於時稱五子者東郡謝榛濟南李攀龍吳郡王
世貞長興徐中行廣陵宗臣南海梁有譽名五子實六子也已而謝李交
惡遂黜榛而進武昌吳國倫又益以南昌余曰德銅梁張佳胤則所謂七
子者也于鱗旣沒元美爲政援引同類咸稱五子而七子之名獨著先是
弘正中李何徐邊諸人亦稱七子於是輕材諷說之徒盱衡相告一則曰
先七子一則曰後七子用以鋪張昭代追配建安嗟乎時代未遐篇什具
在李何王李並駕曹劉邊康宗梁先驅應阮升堂入室比肩殆聖之才嘆
陸輕華接跡廊廡之下余輩導瞽言之不慙問影循聲承而滋繆流傳後
世謂秦無人豈不亦發千古之笑端遺聖朝之國耻乎俗語不實流爲丹

青及今不爲駿救厥後復何底止余故錄上子之詩而質言之如此子相詩元美稱其天才奇秀雄放橫厲又摘其佳句書之屏間以爲上掩王孟下亦錢劉而其所就止於如此則子與德甫之倫爲可知矣

聞雁

一枕何能得長愁至不禁魚龍殘夜笛風雨急秋砧天入蕭森氣人兼去住心湖南有新雁作意送悲音

雨夜沈二丈至

榻有何人下君能此夜過寒蟬吳客賦衰鳳楚狂歌雨氣千江入秋聲萬水多明朝寒浦望搖落有漁簑

秋夜顧二丈來集

少別已殘暑相看失舊容秋衣下風露夕草亂芙蓉世故尊前盡鄉愁雨後重徘徊望北斗明月照千峯

除前錢惟重夜至

朔雪千門擁騎過西風搖落罷鳴珂愁邊鴻雁中原去眼底龍蛇畏路多關塞豈無胡馬策江湖真負楚漁歌衣裳歲暮吾將換好與青山長薜蘿

春興

司馬提兵夜渡河羽林諸將擁雕戈
青山一戰殘鼙鼓落日千家泣綺羅
盜賊似聞能漢語東南何地不夷歌
浮生轉覺江湖窄難把衣裳任芟荷
郊行

並馬出春城搖鞭一相語楊柳遍西湖
應從何處去

聞雁憶弟子培

秋雨千峯散寒雲萬里開不知天際雁
幾日故園來

寄盧少樸

大任山頭花滿烟春來竟日酒罍眠
不知妻子關何事乞取囊中賣賦錢
梁主事有譽

有譽字公實順德人嘉靖庚戌進士授刑部主事與謝榛李攀龍輩結社
稱五子以念母移病歸里與黎民表約游羅浮觀滄海日出海颶大作宿
田舍者三夕意盡賦詩而歸中寒病作遂不起年三十六公實少師事黃
才伯從游最久通籍後始復與王李結社其爲詩詞意婉約殊有風人之
致王元美詩評序云梁率易寡世好尤工齊梁近始幡然悔之而公實作

五子詩首謝榛次李攀龍蓋公實甫入社卽移病去又抵館舍最早雖參預五子七子之列而于其叫譽剴擬之習熏染猶未深也

秋懷

夕霽涼氣發曲房謁餘清金風被蘭蕙白露浩已盈密林謝陽彩叢薄墮芳榮迅商無緩調征鴻懷苦聲物候旣易感神理固難名漢陰甘灌園鹿門事躬耕金張逐升轂王貢飄華纓由來事不同各以性自營伊予秉微尚恬曠諧夙情柱下明守雌漆園持達生緬懷昔人訓煩囂祇自驚

黃司馬青泛軒

達人慕恬寂開軒負西郭芊綿引蕙田逶迤通菌閣積芳集隆輝耽勝控遙發縈氣通幽洞湖光耿華薄青桐帶露疎翠羽衝花落蜃月鏡疎櫺鵬雲冠虛慕真筌一以契聚書聊爾託鶴性在州霞鳳想存寥廓卽此願深栖陋彼郊居作

遊白雲寺

崇岫控越徼巍鎮峙郊甸萃律億劫餘遙遊百里見疎嶺何岑峭陽林鬱葱蒨峻擬玄天平俯瞰海日炫化城架層顛拂策陟遙峴逢槎舊術迷遭

石新磴轉始至嵐陰豁暫息厓光顯露翳若木莖風墮曇花片鳥啼谷互
蒼竹亞露猶泣冲襟挹恬寂素想協遊衍靜惟迦葉智默翹龍樹辨十喻
總歸空六塵原不眩清朝意藥凋縞夜心通現歲月紛遞馳棟宇幾遷變
鶴往臺草荒龍去井泉淺刻桷鼯鼠啼雕梁蛛網罥感物置安排看雲悟
舒卷結桂緒方遥攀蘿情莫展景協賞爲美慮澹機自遣願總塵外轡謝
此區中戀

詠懷六首

心星轉坤維芳榮遽銷謝玄蟬號樹間蟋蟀吟幽榭商飈蕩陵茗物性隨
時化瞻彼孤飛鴻遊戲清瀾下霜霰既以違嗟藻何雍暇微禽尚有適而
我獨悲叱志士惜流光哀歌達長夜愧無魯陽德何以迴羲駕

明月鑒重幃涼風吹綺疏佳人揚清謳顧影傷離居昔別黃鳥鳴倏忽秋
蘭舒繇華不再至歡樂寧倩餘迢迢牽牛星萬古恒不渝所思杳天末目
夕增煩吁秦女善鳴箏趙女亦吹竽箏箏豈不衰不如琴瑟娛織練常苦
遲織素常苦劬嗟哉織作勤淚下沾羅襦

阮公歎廣武陶子詠荆軻豈知達士懷感慨更無多飲酣匪甘放身匪

術疎冥鴻遊四海所畏在虞羅高居與駟馬不如南山阿時議徒紛紛其如珪璋何

漢武伐匈奴軍聲蜚八垓遂令雞鹿塞萬里無塵埃漢道豈不盛胡運有興衰當其中葉時雄畧亦摧頽李廣恒數奇失落空徘徊馬邑竟無成東市棄王恢李陵負英風仗劍單于臺飲血苦百戰悲風從天來志欲吞狼望輕謀貽禍胎一旦隴族沉徒興壯士哀

燭龍騰遐輝離照亘天衢室隙受餘光徒能耀一隅物理固殊鑒各隨賢與愚楚客倒滄海提携得明珠重寶不見賞抱價增煩紆掩袂臥空谷孰知中所須

昔遊黃金臺酒酣臥燕市哀歌傍無人泣下擊筑子黍谷生悲風易水何瀾瀾豈無英雄者翻覺霸圖耻白日忽復易脫冠藝粉梓良觀邈山河撫劍中夜起

湖口夜泊聞雁

北風夜泊蘆花渚蓬底青燈雁啼雨水宿雲翻路幾千更闌月落知何處風塵瀕洞誰非客憐汝南飛霜霰隔哀鳴却似畏綈緞塌翅胡能傳尺帛

嶺樹重重是故鄉
故園諸弟日相望
寒宵聽汝應歌枕
兩地相思魂夢長

瓜步眺望

殘虹慘淡已黃昏
江上煙波獨愴魂
京口樹濃藏雨氣
海門風急長潮痕
西來剪色連三楚
北望浮雲隔九關
正值旌亭須買醉
憂時懷土不堪論

揚州悼隋離宮二首

李花歌罷益淒其
正是迷樓縱樂時
夜月淹魂哀鐵騎
春風淮柳拂鸞旗
斗邊蛇起妖誰識
帳裏鵬來事可悲
千載故基何處覓
杜鵑啼上野棠枝
藻井雕甍駐綵霞
錦帆一去已無家
淒涼夜月樓前舞
零落春風仗外花
殘燒繞原碑臥草
夕陽依柳藏鴉可
憐河水滔滔逝不
識人間有歲華

吳宮

月墮平湖漫不流
烟波何處可消愁
千年人傍要離塚
百頃誰尋范蠡舟
廊上悲風聞響屐
堂前清宴憶傳籌
竹枝似寫當年恨
聲起吳江葉葉秋

姑蘇懷古

看山幾日到吳中
遊客登臨感慨同
金虎跡荒靈氣滅
水犀軍散霸圖空
春歸茂苑烏啼月
花落橫塘蝶怨風
誰識倦遊心
獨苦扁舟長憶五湖東

出郭小園二首

澹澹波光冉冉天汀蒲沙柳共依然驅馳未卜宜瓜地貧病猶營種秫田
杜宇聲殘花似雪鵲鳩啼急雨如烟朋遊共棄嵇生懶誰棹江湖載酒船
新水斜通浴鷺洲蒼孤嶼鏡中浮黃花未綻江南景紫蟹先成水國秋
舊路忽驚芳草合高臺獨上暮雲稠郊居豈爲栖遲計堪笑人間沈隱侯

漢宮詞

雲頂蓬萊迎玉輦星連閣道閃朱旗仙娥引燭祈年夜內史催詞禮斗時
赤雁新傳三殿曲青鸞多集萬年枝蕊宮別有歡娛處春色人間總未知
匡門吊古三首

殺氣空濛下赤霄胡塵捲地翠華遙舟膠楚澤誰還問魂溺湘潭詎可招
淚血歲添厓上蘚靈風暮湧海邊潮獨憐島樹猶含恨不待秋來却盡凋
誰悟當年識已真汴杭回首總成塵憤無勾踐三千士死恨因橫五百人
海上乾坤春夢短厓前風雨客愁新貞魂若作啼鵲去葛嶺山頭與萬巡
鍊石銜沙昔日心千年猶爲一沾襟朔方駿沒金甌缺滄海龍歸玉璽沉
雲斷野烏翻夕照雨餘芳樹鎖秋陰風光不似西湖景空使英雄感慨深

庚戌八月虜變二首

白草蕭蕭大野間，單于獵火照秋山。
坐令鳴鏑侵周甸，不見封泥守漢關。
郡邑瘡痍嗟正苦，邊庭供餉轉多艱。
九重已命嫖姚將，爲報蒼生一解顏。
胡騎朝驅度黑河，射鵰還傍帝城過。
四郊此日慚多壘，三輔何時遂息戈。
出塞衛青猶荷戟，從戎魏絳漫論和。
漢家會見平胡績，願聽回中橫吹歌。

春日病起得家書悵然有感

苑柳宮槐生晚烟，起看佳節倍堪憐。
天涯尺素驚殘臘，客裏分陰似小年。
愁病可堪歸雁後，春心空負落花前。
西山爽氣朝來好，擬把茱萸眺遠天。

送同年張子畏使代二首

使星遙指晉陽城，曉度郊原鐵騎迎。
狐塞天低橫殺氣，雁山秋早動邊聲。
書生倚劍心徒切，諸將揮戈意未平。
若過北堂春宴罷，還將籌策獻承明。
征馬長嘶起朔風，獨憐平子思無窮。
烟塵正值蕭條候，世事空歸感慨中。
雲暗故關聽斷角，日沉殘壘見孤鴻。
懸知吊古經行處，好問當年李牧功。

秋日謁陵眺望二首

清秋霜露肅祠官，帝里山川此鬱盤。
上谷風塵通大漠，居庸紫翠落層巒。

七陵松掩金鋪暝萬壑鍾流玉殿寒香霧濛濛候靈蹕星辰還仰太微看
輦道松楸玉露晞鬼神肅穆儼旌旗鼎湖寂寂龍時下銀海冥冥雁不飛
中國地形當塞險單于秋色入關微十年陵殿雄燕嶠九廟精靈護漢畿
送文子還吳

湖海蕭條劍氣孤吟邊白髮歲華徂馬卿四壁愁沽酒張翰三江擬釣鱸
月下潮聲過建業雨中秋色上姑蘇挂冠余亦滄洲去遲爾煙霞倒玉壺
暮春病中述懷二首

花落長安春事過側身天地甲兵多馬卿消渴空成賦阮籍狂狂獨放歌
病起春風吹鬢髮酒醒寒月上關河憑欄却憶十年事長嘯誰持返日戈
萬方雲氣護蓬萊春色蒼茫紫極開天闢高臺招駿去風生大漠射鵰來
明時病益江湖思佳節愁深鼓角哀堪笑腐儒通籍晚艱危心折請纓才
東林寺前作二首

山色斜依寺江流曲抱村時有山僧出殘陽獨掩門
寒日照流水晚風吹古樹遙聽暮鐘聲依依度江去

越江曲

橫塘風起送新涼蒲葉拍波江水長莫道春歸花落盡中流還有杜蘅香

閨情

萬里關山無盡期年光春色使人悲柳花只似悠揚夢日逐東風少住時

喜歸述懷留別李于鱗王元美徐子與宗子相四子一百韻

天地炎州外雲濤漲海邊爲儒嗟世業結社斷塵緣髭鬚黧趨先子榮枯憶
往年時推聰馬使人避鐵冠賢吳越歡奔走江湖獲汙沿沙蟲讒倏及野
鵬禍翻纏弱落哀霜徑松寒泣露肝承家悲寒薄生業苦憂煎寂寞誅茅
地荒涼種秫田文章愧作者丘貉擬終焉野市山珍集江橋海錯鮮歲時
聊汨沒形役謾拘攣北海樽虛倒東山屐屢穿散囊緘綠綺故物借青瑣
拙自甘鵲服貧還蓄蠶編年華驚似箭世事歎如絲早已輕衣食其如困
藥鎔賈生元起洛郭子遂遊燕射策終何術公車獨未捐茂才叨辟選上
國按周旋帝業雄豐鎬祥基陋澗瀝紫宸清佩侍赤縣瑞珪聯開闢天人
合中興嶽瀆金扼關分虎竹踰嶺貢龍涎豪俠傾畿內聲名暨海堧烟花
春浩蕩車騎日喧闐公子迴金勒佳人拾翠鈿風塵驅匠時節山鞞鞭
盛極人情異憂來物態遷中秋入虜騎內郡卷戈鋌豈謂建瓴地俄驚飲

馬川軍聲摧戊已災變動璣璇讐耻誰嘗膽承平祗控率士奔綿恰破胡
舞粉題妍氣槩吞三輔憂疑盡八埏射生群騾裹送酒泣嬋娟天監扶靈
祚皇威赫怒權殿前籌不少間外略誰專俄覺胡宵遁潛窺將晝陸穹廔
克子女宇宙厭膺臚畜弱山能負禽微海欲填傷心見黔首感舊問華顛
廟算時方倚天驕惡詎懷瘡痍未蘇息戈甲轉解延增賦梯航湧徵兵邠
國連歲輸海陵粟日費水衡錢不見飛黃至空嗟太白懸西南猶戰壘春
夏更烽烟大將持牙纛孤兒跨錦驪謀臣詫舌在重鎮悼眉然瑞揄張天
步妖氛襲斗蠲時難同闕室國計坐臨淵慟哭看中土哀歌仰上乾謨猷
楓陛切祀典竹宮虔寸勇俱收錄微才盡採甄幽人心耿耿烈士涕漣漣
華省陪持戟塵途競着鞭賦慙拘監薦官冗馬曹員法網徒苛屑刑書祗
滯情凝脂誰合解刻木便應燭結襪聲何籍含毫意獨堅長楊千載意汗
竹幾人傳詞賦憐哀矣交遊敢泛然徐陵同握管宗慙對談玄抗節還元
禮憂時實仲宣開軒頻促膝授簡不虛筵藝苑宜藏氣名家愧比肩尚書
期不顧國士意相憐句逐法曹得狂隨吏部眠論心各羈落附尾喜翩翾
事業浮生外衣冠薄俗前蘇門應避地杞國謾憂天吳客思尊鱸人詠

蕙荃物情增慘淡吾道合速遭鴻雁何方別蟾蜍幾度圓材迂五石瓠心
慕九疑蓮叶懷虛積冥冥志孰詮潘輿伏臘喜妻被夢魂牽性僻甘人
後愁深讓隱先乞身頻疏上辭職荷恩偏詩興行豪甚交情去勉旃潛鱗
終放蕩健翮任騰騫勳烈旂常重聲名琬琰鐫狷性終歲是消渴幾時痊
多病成吾懶無才免世愆寧能忘子女且去弄潺湲心賞同家廓羅浮慙
靜便峰巒窺四百世界俯三千天人金沙洞烟飛鐵柱泉松蘿亦嬾嬾石
瀨故濺濺獨鶴凌星嶠群真下霧輶形骸原土木景物自茅椽曷令還成
藥曹溪更悟禪遙探小酉籍閒訪大羅仙幻夢蒙蕉鹿清虛飲露蟬世情
付濁酒朋好共清絃五嶺雲隨杖三江月送船臨岐淒把袂相憶料揮箋
聚散非人意襟期失俗筌乾坤一俛仰長詠四愁篇

徐布政中行

中行字子與長興人嘉靖庚戌進士授刑部主事出知汀州府補汝寧用
內計謫官稍遷瑞州判起拜山東僉事累遷至江西左布政病不能語一
夕卒于官子與好飲酒賦性亢爽不喜道人過酒間塊壘有觸而發醒都
忘之好尉薦人揚之多過其量貧士有所請不休力不能稱強應之曰奈

何令人有慚色耶客死無後士多爲下泣者詩有
羅天目二集

得滇南除目戲作

余昔四十時秩已忝金紫棄捐垂十年僅乃復其始故壁則猶是馬齒加
長矣頃來曾不憂今來亦何喜未能免俗緣栖栖聊復爾終當拂衣去相
從鴟夷子

暮發滁陽

荒城一騎出落日萬峰西澗水流人影松陰散馬蹄縣崖青欲滴芳草綠
堪迷洵美非吾土翻然憶故溪

董體仁送余至固節旗亭飲別賦此貽之

自古銷魂地經過復此亭布衣交自重尊酒眼偏青柳色春堪惜驪歌老
倦聽因君懷舊侶落落歎晨星

入桐江

奔流千折下峭壁兩崖分樵徑衝江雨漁舟宿嶺雲布帆林杪見水碓月
中聞獨有披裘客千秋不可群

吳參政國倫

國倫字明卿興國人嘉靖庚戌進士授中書舍人遷兵科給事中左遷南
康府推官調歸德卽家起知建寧邵武二府又調高州三載擢貴州提學
副使河南參政大計以臺參罷官明卿才氣橫放踈弛自負好客輕財歸
田之後聲名籍甚海內噉名之士不東走弇山則西走下維晚年人吳訪
王元美入茗吊徐子與及元美卒而明卿尤健飯在七子五子之中最爲
老壽有醃甕洞稿前後數百卷

飯水西驛

相逢水西境大半鬼爲人鳥言難可解卉服日以親雜種髮頭銳如鐵
距杈枒猛相剝掉頭不應舍長呼望見前旌亂吹角道傍傷目覩繡斧將
前復卻舌盡吐驛亭踦進燕麥羹飽食且忘行役苦

次奢香驛因詠其事

我聞水西奢香氏奉詔曾謁高皇宮承恩一諾九驛通盤山刊木穿蒙茸
至今承平二百載祥炯熨道猶同風西溪東流石齒齒鳴咽猶哀奢香死
中州男兒忍巾幗何物老羅亦青史君不見蜀道之關五丁神犍爲萬卒
迷無津帳中坐叱山川走誰道奢香一婦人

飯金雞驛

金雞山頭金雞驛空庭芳草平如席
瘴雨蠻雲天杳杳莫怪金雞不知曉
問君遠遊將底爲脫粟之飯甘如飴

閤鴉行

我行深入蠻王壘蠻兵被毳行且呼
指點羅夷諸種落延袤千里依皇圖
歷歷重柵臨斷浦瀟瀟木樵密如堵
刀耕餘力射獵還傑雞賽鬼撾鞞鼓
獨以無時市枸醬漢使不復問
叩杖櫪外騎嘶作馬肥園中醉擁焚姬唱
閤鴉回首複嶺橫連雲不斷如長城
此中藏甲不知處云是先朝靄翠營
靄翠營懸列侯印翊我高皇威
獨震遙傳一檄定西南世世稱藩無血刃
豈其苗裔食故疆金紫蟬聯澤未央
莫以彈丸誇險阻脩文天子今堂堂

宿谷里

石門風高千樹愁白霧猛觸群峯流
有客驅馳暮未休山寒五月仍披裘
飢烏拉背搶驛樓迎人山鬼聲啾啾
殘月爛爛明吳鉤竹牀無眠起自詠
君山行贈洪原魯

五瀦水落三江灣玉鏡中分十二鬟
雪浪迎門捲空翠君山合是君家山

多君愛客展芳宴山水圖書兩相眷瓊巖泛酒波璘璘金縷促歌雲片片
歌罷君山月已低掛帆欲往江煙迷湘君鳴環下白露龍女吹笛乘青霓
吹笛鳴環杳何適孤舟去天不盈尺與君少別老難逢那可君山少今夕

過五郎磯

黃龍洲前雪浪飛浪花疊作五郎磯小艇縱橫截洄洑張網捕魚一何速
造次經過不知險坐愛山衣綠如染閒情沙鳥俱悠悠萬古如斯江漢流
送徐行父少參赴關內

咸陽天下險洛邑天下中潼關睥睨周西東君白三川歷三輔分陝經營
王命同登車慷慨千人雄矯若八翼凌蒼穹左馮翊右扶風漢闕秦畿指
顧通爲將匣裏雙龍劍擲作天邊二華峯

暮秋感懷三首

將相交歡日應分聖主憂民勞過賴尾客策下焦頭鼓角嚴深夜山川慘
暮秋當年賈生淚不爲感淹留

胡海驚飛檄朝廷議徙薪登臺圖驥腹虛閣待麒麟急難徵兵遠滄庾轉
餉頻共愁車馬地歌管自平津

威里紛絲竹侯家盛綺羅時艱民力盡世賞國恩多馳道仍驂乘巖城何
枕戈北風吹不歇蕭瑟楚狂歌

得元乘書

已道還江縣猶然帶海門別來新鬼哭書至故人存萬死懸兵力孤忠藉
主恩豈無排難意畏路不堪論

陽江道中

白骨平丘隴非關地不毛炊煙百里外戍堞數峯高處處聞蠻鼓時時攬
佩刀暮穿烏石逕草樹亦腥臊

高州雜詠

粵南天欲盡風氣迴難持一日更裘葛三家雜漢夷鬼符書辟瘴蠻鼓奏
登陣遙夜西歸夢惟應海月知

病中荅曹有卿參政

自失中原路夷猶瘴海邊病依山鬼臥窮得故人憐白髮親蠻俗丹心老
戍烟南征有銅柱誰記伏波賢

櫻桃花

御苑含桃樹花開作雪有誰移荒署裏偏助早春寒逞素愁金谷垂珠遲
玉盤不知蕭穎士何意獨相殘穎士嘗作伐櫻桃賦

庚戌秋紀事三首

將相交歡自一時聖朝威福豈全私當關已盡吞胡氣壓境猶稱入貢期
塞外橐駝燕士女林間烏鵲漢旌麾郊原入夜號新鬼却恨軍前插羽遲
魚陽鼙鼓動神京大將重開細柳營錫命時時三殿下烽煙夜夜七陵驚
芙蓉劒口星文亂霹靂車前殺氣橫解道陰符能破虜陣雲偏自竹宮生
時用方士遣陰兵破虜

天威赫赫震離宮極目郊關萬室空整旅未申司馬法捷書頻請貳師功
玉門關險無傳檄武庫兵陳已掛弓時職方請發武庫兵器而司庫者出索千金而後發此發則虜得意去矣
自是漢家饒王氣諸陵依舊朔雲中

世宗皇帝輓章

只怪鈞天夢未通帝星遙夜燭冥濛金輿罷幸三芝館玉几深憑五柞宮
遺詔普天俱朔雪望靈何地不悲風鼎湖自有雲龍會虎使千官泣墮弓
載筆曾趨供奉班江湖猶自憶龍顏宮雲不散神仙仗禁月常飄玉女環

似有飛輪馳帝座不知道劍在人間千門望幸渾無計却恨蓬萊使未還

硃洲弔古二首

洲在吳川縣南宋端宗航海駐此崩少帝曷卽位尋徙厓門爲元兵所滅

一旅南巡瘴海邊孤洲叢樾繫橫船從容卷土天難定急難防胡地屢遷丹鳳未傳行在所黃龍虛兆改元年當時血戰潮痕在常使英雄涕泫然海門鯨浪吸硃洲諸將當年扈蹕遊赤岸至今迷御輦蒼梧何處望珠丘行朝神樹三千合故國腥羶百二州爭死厓山無寸補獨餘肝膽壯東流

過厓山

野濤奔騰石運斜疎林殘日見田家編籬半護卬王竹築塢新移望帝花晝微萬山連蜀道遠人重譚問京華鄉音斷絕愁如夢何處厓高急募笳

過白厓驛

驛故阿落密地

箐林幽窈石龍從永日驅馳轍未窮驛道久通滇蜀使居人猶雜漢夷風厓間板屋依雲架塞外芒山入雨空赤水穿辭三峽遠雙魚爲寄楚江東赤水卽赤池河源出芒部經蜀川合流入楚

過七盤嶺

驅馬度層嶺馬鳴知轍軻欲舒千里足其餘七盤何

落梅歎

忽忽春無力梅花作雪飛誰能萬里外聞笛不思歸

郢中雜歌四首

自是興王地均沾湯沐恩如何諸父老斜日閉荒村
寢園三十里嘉樹鬱蒼蒼不有樵蘇禁誰知是帝鄉
憶自分茅日王田半郢疆龍飛已三世猶說內家莊
萬戶依南郭倡家與酒家東風吹不歇愁殺竟陵花

上新河雜詠二首

花濃白板橋處處綺羅嬌玉樹非新曲遺風似六朝
莫問前朝事但看江上臺平明拾翠去薄暮踏歌回

許長史升才

邦才字殿卿歷城人嘉靖癸卯解元官永寧知州遷德周二府長史隆慶
初相周藩六年周王崇易序其詩曰絮園集魯燕觀煙曰殿卿與李于鱗同

調相唱和氣格不逮然于鱗詩多客氣而殿卿溫厚或過之殿卿與于鱗
相交善著海右倡和集因于鱗以聞于當世今之尊奉濟南者視殿卿直
附驥之蠅耳而齊魯間之論乃如此于鱗與人書云殿卿海右集屬其中
尉爲序不佞嘗欲畀諸炎火元美亦以爲然一時文士護前樹黨百年而
後海內人各有心眼于鱗亦無如之何也

晚行即事

秋陰天易暮行客倍生愁江曲明漁火山椒隱戍樓密林驚月黑疑路怯
星流犬吠荒村近喧呼隔岸舟

舟中

客子常明發霜天正寂寥移舟星在水解纜月隨潮往事流波駛歸心帆
影捷更堪聞過雁蘆荻共蕭蕭

于鱗宅送江山人

良夜槩尊興不孤蕭然行色峭山湖天涯芳草思公子雪後春風戀酒徒
那惜十千共舉白從來百萬判呼盧河橋楊柳誰堪把況復梅花正滿途
閏三月二日起久山宗文招集即事

荆實難逢月閨年論文懷抱況依然輕陰閣雨扶花老長晝停風放柳眠
憂玉王孫裁秀句揮金帝子置芳筵可知白髮遊梁客盡醉斜陽上巳前
淇門早發感憶鄉下諸鄉舊

淇門鐘動思蒼茫曙色催人道路長良會漸看成往跡羈魂空復在同鄉
城陣烟烟寒留月驛柳蕭蕭夜著霜幾度置書將却寄無端鴻雁獨南翔
下第還鄉

鶯花愁旅客風雨逼清明向曉擔空笈蕭然出鳳城
初至永寧

風塵難自料花鳥故相猜問是山東客何由萬里來
黔中元日

客中逢改歲不解是何鄉時見懸門帖春風動夜郎
盈口夜泊

三日北風怒孤舟泊寒浦鄉夢苦難着蕭蕭滿江雨
夜投山家宿

西南夷徼萬山隈昔日誥教漢帝開野鳥常呼行不得馬蹄那復夜深來

新添驛

野館孤燈半滅明江橋月落夜潮生無端鄉思三更後聽盡蕭蕭風雨聲

留別劉公

秋風長缺幸生還明日孤臣入楚關莫道三年人萬里天涯消得幾重山

汴河守東

客館寒燈淚滿襟關關萬里欲歸心眼前一水冰霜苦又說三江瘴癘深

寄懷元美

鴻雁驚秋海上還片雲孤月薊門關無端昨夜西窗夢不道千山與萬山

丁香花

蘇小西陵踏月迴香車白馬引郎來當年剩綰同心結此日春風爲剪開

梁園阻雪劉計部客舍見招并呈陸大理二首

日暮寒風吹客衣林鴉冉冉雪霏霏愁中恰遇劉公幹傾賴梁園共憶歸

風雪梁園笑語頻尊前初共月華新可憐白首鄉校在不見當年授簡人

秋夕傷筆伎

鈿箏銀甲芳春後珠笈金釵明月前誰使燭灰香燼後却聽風葉墮霜天

秋夜楊娥歌

風卷秋聲不敢過月波疑在碧天阿那知千載韓娥後又有楊娥一曲歌

夜夜曲

柘枝按舞竹枝歌薌澤微聞玉頰酡銀燭漸昏爐氣冷曲房明月奈人何

送謝中丞歸射洪

巫峽江陵一水分猿聲兩岸夜成群遙知月下孤臣淚才過三聲不忍聞

二月朔于鱗招飲二首

相見年年眼更青相看柳色又烟汀面樓好撫春風醉一月休教一日醒

城頭柳色望成堆隨送春風入酒杯知己百年誰好在花邊那忍獨醒迴

平原道中荅于鱗送別諸韵四首

神京千里促行裝一片離愁若箇長三疊陽關萬行淚春風處處有垂楊

灤水橋邊柳作花紛紛晴雪撲行車花前不醉君家酒暮雨孤村何處賒

楊花滿路傍人飛正是傷離長淚揮三日計程三百里夜來魂夢尚依依

郵亭夢覺正三更窓上花陰轉月明徙倚曉鐘傳遠寺更無人見苦離情

吳僉都維嶽

維嶽字峻伯孝豐人嘉靖戊戌進士知江陰縣入爲刑部主事陞山東提學副使以僉都御史巡撫貴州峻伯在郎署與濮州李伯承天台王新甫攻詩皆有時名峻伯尤爲同社推重謂得吳生片語如照乘也已而進王元美于社實弟畜之及李于鱗出詩名龍蓋一時元美舍吳而歸李峻伯愕眙盛氣欲奪之不能勝乃罷去不復與七子五子之列元美後爲廣五子詩追錄伯承峻伯而二公皆諱言之頃以牛後爲耻元美詩評云峻伯詩小巧清新足炫市肆無論風格詩之風格有出于清新二字者乎元美少年之論如此

信州同汝成遊南巖寺用李崆峒壁間韵

陶哉巖裏居戴石世所罕源泉一勺多香烟終日滿停杯岫雲遲解帶松風緩緣崖鹿豕蹤復與同人踐

題清池書屋

簷引山霞潤池翻樹影虛鳥停枰外石花度枕前書抵與清談便寧知俗計疎南村新酒熟還許就芙蓉

病懷

煩痾遠客願虛館。閉秋風薄祿非長戀。明時豈易逢鐘殘。寒雨外雁過遠。
烟中舊業金峯下。南窗菊幾發。

審錄江右李于鱗謝茂秦集王元美宅相餞分得中字

宜恩克節使設餞枉詞工。漫乘當筵燭初聞。出塞鴻夜鐘山雨後春漏苑。
花中別思朱絃急。雄譚綠蟻空放舟前路。遠戀闕此心同。若是逢梅樹傳
書候曉風。

祈雪壘居

太乙壇開薦禮勤。省垣梧竹絕塵氛。靈光正想通三極。清漏微聞下五雲。
窓散爐薰看月淡。簾垂竹影坐星分。無才未就豐年頌。祇有齋心奉聖君。
家叔致考功事山居寄呈

窈窕岩阿松桂繁。沙田數畝傍仙源。開尊白石依汀鷺。搗藥清空引洞猿。
花外小車鄰客至。翠中紛帙野僮緇。南樓月上村墟靜。醉倚孤乘無一言。

贈王光祿祀事江左

帝城文物淨新秋。建業清華愜晝遊。供奉暫辭分禁路。登臨先上閱江樓。
天長鴻雁催鄉信。寒淺蒹葭緩客舟。何地望京橫奏牘。東南處處苦徵求。

秋日出梅溪

山中長臥萬峯霞溪上將乘八月槎花重稻莖呈稔茂籬清槿葉佳貧家
桂迂自喜疎驂御伴少偏宜趁鷺沙文字癖除行李有尚餘殘篋貯南華

雨村道中

踏凍看山興亦新梅花偷放臘前春路緣牛壁時停騎屋傍懸崖少過人
晴雪背陽留北嶠寒流伏草出前津松杉到處群麋鹿何必桃源稱隱淪

孝豐西圩道中

湖泉遶路十里石屋樓雲數家何處微風醒酒溪南紅杏新花

王侍郎宗沐

宗沐字新甫臨海人嘉靖甲辰進士仕至刑部右侍郎在北部時王元美
所謂與同舍郎吳峻伯袁履善進余于社者也元美詩評云天台王宗沐
齒最卑最擅曹中稱自謂得初唐未易許也伯承峻伯新甫之詩皆優于
七子之中所稱三甫者較善名福徵華亭人詩集甚富每一題輒蔓衍百
餘首皆拖詰屈王元美嘗譏客云今日分賦戲作袁履善休袁中郎記其
事以爲笑

寄李一吾在告

蚤歲相期共挂冠，俄傳疾足竟爭先。十年名在寧俱隱，萬里身輕始自全。
如縷茶烟依竹試，半痕紋簾傍花眠。驅私恐雄心在對酒，休歌伏櫪篇。

高長史岱

岱字伯宗，鍾祥人。嘉靖庚戌進士，除刑部主事，出爲景府長史。伯宗初與
李伯承結社，長安進王元美于社中，及于鱗諸人鵲起，而伯宗左遷去，遂
不與七子之列。伯宗詩体畧與伯承相似，而時多矜厲之語。開七子之前
茅于鱗詩刪錄，伯宗詩甚富，蓋亦追其畢路。藍縷之勛，與伯宗自論其詩
以爲近孟襄陽，則相去遠矣。

登臺

薊北收兵未，長安無使來。風塵連朔漠，雨雪暗蓬萊。去鳥爲誰急，寒花何
意開。孤臣頭白盡，倚杖獨登臺。

詠鸚鵡

一入深籠損翠衣，隴雲秦樹事全非。月明萬里歸心切，花落千山舊侶稀。
栖傍玉樓春晝永，夢回金鎖曙光微。翩翩海燕群相趁，簾幙風高得意飛。

涼州曲

賀蘭烽火接居延
白草黃雲北到天
一片城頭青海月
十年沙蹟伴人眠
省中

蕭蕭竹徑暝烟浮
散帙鳴琴事事幽
若比瀟湘漁父隱
門前只少木蘭舟
劉爾牧

爾牧字成卿東平人
嘉靖甲辰進士
王元美初登第卽與結社
詩評謂質秀才傳尚未成家

妾薄命

自憐妾薄命敢怨主恩移
遣此妾非日能忘歡樂時
秋風難再熱落葉不勝悲
猶有高樓月流光與恨隨